

የሃኒሴም ያኦሲ ፔጋሲ ዳዌ ባኮ ዓይያ ካሮ

የሃኒሴም ያኦሲ ፔጋሲ ዳዌ ባኮ ፃኣፒንቴህ ኪሪሰቶሴ ጉሙርቃዘንህ ዬሱስ ኪሪሰቶሴ ፔኤኮ ጎዳ ማሂ ሃህ ያኦሲም ዲማዲያ ማዒ ናንጋሂሮ ዒዲንቲ ዳኪንቲ፣ ዔያታ ሜታዳ ዎዶናኬ፤ ፃኣፔ ዒሂኮ ጴኤፖ ማሊያ ናባባ ዒሶኮ ሃጊ ማዒንዳ ዎዛ ጎኔ ዎዛ ማዒንዳጉዲ ደዲሻኒና ዔያቶ ሄሌ ዒዲንቲ ዳኪንቲያ ሜታሂዳ ዔያታ ያኦሲ ጉሙርቁያና ደዳንዳጉዲኬ።

ማፃኣፔሎኮ ባሼህ ሚርጌ ሃህ ዎሊ ሄሊ ሄሊ ዒኣ ባካ የሃኒሴም ያኦሲ ፔጋሲ ዳዌ ባኮ ኬኤዛያ ማዒዛ ዬንሂ፣ የሃኒሴም ያኦሲ ፔጋሲ ዳዌ ባኮንሂ ዬኖ ዎዶና ዒኣ ኪሪሰቶሴ ጉሙርቃ ዒሶ ማኣዲኒ ዳንዳዒያ፣ ሜሌ ዒሶም ጋዒንቲ ዒኣሺንቲ ባኣዚ ማዒ ማሊሲ ጌሰቶናያኬ። ዒይኑሞኮ ላሚ ላሚ ጌይንታ ማሊያጉዲ ሃኖ ማፃኣፖኮ ጌሊያ ካራ ካራ ጉቤ ዱማ ዱማ ያኦሲ የሃኒሴም ፔጋሲ ዳዌ ባካ ዱማ ዱማ ጎይሂና ላሚ ላሚ ኬኤዚንቲ፤ ማፃኣፔሎኮ ቡሊያይዳ ዱማ ዱማ ማሊሂ ዒኣያታቴያ ጴኤፖ ማሊያ ጋዒንቲ ዔርቲያኬ፤ ዬይያ «ጎዳ ማዔ፣ ኪሪሰቶሴ ዛሎና ያኦሲ ላሚሱዎ ጎይሂ ፔቲና ፃላሄንታ ቃሲ ሜሌ ሞርኮዎ ቢያ ባሻንዳኔ፤ ዒ ባሼ ዎዶና ዒዛም ጉሙርቁንታያ ማዔ፣ ዒጊኖንሂም ዒኪ ጫሪንቲና ዒኪ ሳዒናኮ ዒንጅ ዔያቶም ዒንጋንዳኔ» ጋዒያኬ።

ማፃኣፔላ ዱማ ዱማ ዒርቁ ባኮ

- ዓይያ ካሮ (1:1-8)
- ለንካዎ ሺኢጲያ ማኣሮም ዳኪንቲ ኪኢቶ (1:9—3:22)
- ለንካዎ ዔርዛ ማላቶና ማሪንቲ ማፃኣፖ (4:1—8:2)
- ለንካዎ ዛያሂ ዛሎ (8:3—11:19)
- ጴኤፖ ሾኣዣሂና ላምዎ ቦዎንሂና ዛሎ (12:1—13:18)
- ያኦሲ የሃኒሴም ፔጋሲ ዳዌ ዱማ ዱማ ባኮ (14:1—15:8)
- ለንካዎ ያኦሲኮ ጎሪንቶ ዑዠ (16:1-21)
- ባብሎኔኮ ባይሲንቶ፤ ሃህ ቦዎንታ ሉኡዙሞና ያኦሲ ማሊያ ኬኤዛያ ማላ ዒሶንታ ፃላሄንታኮ ባሻንቲያ (17:1—20:10)
- ጋፒንያ ዎጎ (20:11-15)
- ዒኮ ጫሪንጮንታ ዒኮ ሳዎንታ ዒኮ ዬሩሳላሜ ካታሜሎንታ ዛሎ (21:1—22:5)

ጋፒንሢ ማሊሢ (22:6-21)

1 ሃይ የሃኒሴም ያኦሲ ፔጋሲ ዳዌ ባኮ፡- ዑኬ ማዓንዳ ባኮ ያኦሲ ፔኤም ማዳዘንሢም ዳዋንዳጉዲ ዩሱስ ኪሪሰቶሴም ዳዌያኬ፤ ዩሱስ ኪሪሰቶሴያ ፔ ኪኢታንቻሢ ዳኪ ዒዛም ማዳ የሃኒሴም ሃያ ባኮ ፔጋሲ ዳዌ።።

2 የሃኒሴያ ያኦሲ ቃኦሎና ዩሱስ ኪሪሰቶሴ ማርካዴ ባኮ ዛሎ ቢያ፤ ሃሣ ዒ ዛጌ ባኮዋ ቢያ ፔኤሮ ማርካዲ ኬኤዜ።።

3 ዩይ ቢያ ማዓንዳሢ ዑኬ ዎይይዳታሢሮ ሃሮ ያኦሲ ማሊያ ኬኤዛ ማፃኦጎ ናባባ ዒሢ ዓንጅ ዎዛ ዴንቃንዳ፤ ዩያጉዲ ኬኤዚንቴ ያኦሲ ማሊያ ዎይዛዘንሢና ፃኦፒንቴሢ ኩንሣሢ ቢያ ዓንጅ ዎዛ ዴንቃንዳ።።

ዒሲያ ዓጫ ዓኦ ለንካዎ ሺኢጲያ ማኦርንሢም ዳኪንቴ ሳራሥሢ

4-5 ዒሲያይዳ ዓኦ፡ ለንካዎ ሺኢጲያ ማኦር ዓሲም የሃኒሴይዳገ ዳኪንቴ ሳራሥሢ፡-

ሃሢ ዓኦሢ፡ ሚናገ ናንጋሢና ሃጊ ሙካንዳ ያኦሲዳገ፡ ያኦሲ ካኦቱዎ ያይቶ ቤርታ ዓኦ ለንካዎ ዓያኖንሢዳገ፤ ሃሣ ጉሙርቁንታያ ማዔሢዳገ፡ ሃይቢገ ዔቁያና ኮይሪ ማዔሢዳገ፡ ዓጮ ካኦቶ ዎይሣያ ማዔ፡ ዩሱስ ኪሪሰቶሴይዳገ ኮሹሞና ዎዛና ዒንሢም ማዎንጎ።።

ኑና ናሽኬሢም፡ ፔ ሱጉያና ሻንቁ ጎማገ ኑና ጌኤሽሢም፡

6 ዒዛኮ ዓዳሢ ማዔ፡ ያኦዛሢም ኑኡኒ ቁኤሴ ማዒ ማዳንዳጉዲ ካኦቱዎ ኑም ዒንጌ፡ ዩሱስ ኪሪሰቶሴም ቦንቸና ዎልቁና ናንጊና ማዎንጎ፤ ዓኦሜን።።

7 ዒዚ ሻኦሬና ሙካንዳ፤

ዒዛ ጫርጌ ዓሳኦ ዓቱዎ ዓሲ ቢያ ዒዛ ዛጋንዳ፤

ሳይይዳ ዓኦ ዴራ ቢያ ዒዛ ዛሎና ዩኤካንዳ፤

ሂዮ! ዩይ ባካ ቢያ ጎኔ ማዓንዳ፤ ዓኦሜን።።

8 «ሃሢ ዓኦሢንታ ሚናገ ናንጋሢ ሃሣ ሃጊያ ሙካንዳሢ፡ ቢያ ባኦዚ ዳንዳዓ ጎዳ ማዔ ያኦሲ ዔኤቢ ቢያ ዓርቃሢና ጋፒሳሢና ታናኬ» ጋዓ።።

ኪሪሰቶሴኮ ፔጋዲ ጴዲያ

1:4-5 ኬሲ. ማፃ 3:14፤ ዒሲ. 55:4፤ ዓይኑ. 89:27፤ የሃ. ያፔዳ 4:5። 1:6 ኬሲ. ማፃ 19:6፤ የሃ. ያፔዳ 5:10። 1:7 ዳኦኔ. 7:13፤ ማቲ. 24:30፤ ማር. 13:26፤ ሉቃ. 21:27፤ 1ቴሲ. 4:17፤ ዛካ. 12:10፤ የሃ. 19:34፤37። 1:8 የሃ. ያፔዳ 22:13፤ ኬሲ. ማፃ 3:14።

9 ታኦኒ ዲንሢኮ ዲሻሢ ማዔሢ፣ ዲንሢና ዎላ ኪሪሰቶሴኮ ማታሢና ዓኣ ካኦቱሞና ሃሃ ገቢ ዳንዳዒ፣ ዳንቃያ ማዔ፣ የሃኒሴ ጾኦሲ ቃኦሎና ዩሱሴ ዛሎናሮ ማርካዳሢሮ ፒፂሞ ጌይንታ ዎኦያ ሳዛ ዓኣ ዓጩሎይዳ ቱኦቲ ዓኦያ፡-

10 ኅዳ ኬሎና * ዓያና ጌኤሺኮ ዎልቆ ጋሮ ጌሊ ታ ዓኦንቴ ዛዩ ዑኦሲጉዴ ዴኤፒ ዑኦሲ ታኦኮ ገንሢና፡-

11 «ኔ ዛጋ ባኮ ማፃኦፔይዳ ፃኦፒ ለንካዎ ሺኢጲያ ማኦሮሞ ጌይፃ፡- ዔፕሶኔም፣ ሴሜርኔሴም፣ ጴርጋሞኔም፣ ቲያፂርኔም፣ ሴርዴሴም፣ ፒላዴልፒያና ሎዶቂያናም ዳኬ» ጋዓንቴ ታ ዎይዜኔ።

12 ዬያ ታኦም ዎ ኬኤዛቴያ ዔራኒ ገንሢም ታ ሺሬኔ፤ ዬማና ለንካይ ዎርቂጋ ኮሾና ፖሲ ጌሃ ሻርና ታ ዳንቄኔ፤

13 ዬንሢ ሻርና ባኦካ ዓሲ ናዓሢ ማላ ዓሲ ታ ዳንቄኔ፤ ዲዚያ ቶኮ ሄላ ዎዶሲ ማኦያ ማይንቴያ፣ ዳዶይዳ ዎርቂይዳፓ ኮሺንቴ ቃልሾ ቱኪ ዓኦኔ።

14 ዲዛኮ ቶኦኮንታ ቶኦኮ ጋፓኖንታ ቦኦሬ ማራይ ጋፓኔጉዴያ ሃሃ ሻቺጉዲ ቦኦሬኬ፤ ዓኦፓኦ ዔኤታ ታሚጉዲኬ፤

15 ቶካ ገንሢ ታሚዳ ዓገ፣ ገልፒ ዘቂሶና ዓንገ ማላያኬ፤ ዑኦኦዛ ሃሃ ዴኤፒ ሶኦሪንታ ዎኦሢ ጉኦማያጉዲኬ።

16 ሚዛቆ ኩጮይዳ ዲዚ ለንካይ ዠኦጌ ዓርቂ ዓኦኔ፤ ዳንጋፓ ዲዛኮ ቢያ ዛላ ዓጩ ማዔ፣ ጩንቻ ዓፓሮ ኬሰካኔ፤ ሃሃ ዲዛኮ ዓኦፖ ካራ ሚርጌና ፖዓ ዓቢጉዲ ፖዓያኬ።

17 ዬያ ታ ዛጋዎ ዶሊንቲ፣ ቶኮ ዴማ ዲዛኮ ሎኦማዛ ዲዚ ጋዓንቴ ሚዛቆ ኩጮ ታ ዑፃ ጌሃያ፡- «ዲገጩፖ፤ ዔኤቢ ቢያ ዓርቃሢና ጋፒሳሢና ታናኬ፤

18 ሺምፔና ታ ናንጋያኬ፤ ሃያኮ ቤርታ ታ ሃይቄኔ፤ ጋዓንቴ ሃይሾ ታኦኒ ናንገና ሃይቄዎ ያንጋያ ማዔኔ፤ ሃይቢና ሃይቄ ዓሳ ዴዓ ቤዘናይዳ ቢታንቶ ታኦኮ ዓኦኔ» ታኦም ጌዔኔ።

19 ሃሃ ዲ ኬኤዛያ፡- «ዓካሪ ኔ ዛጌሢና ሃሢ ዓኦ ባኮና ሃገ ማዳንታንዳ ባኮና ፃኦፔ፤

20 ታኦኮ ሚዛቆ ኩጮ ኔ ዛጌ፣ ለንካዎ ዠኦኦንሢና ፖዎ ጌሃ ለንካዎ ዎርቆ ሻርናንሢኮ ዓኦሺንቴ ማላፃ ያዲኬ፤ ለንካዎ ዠኦኦንሢ፡- ለንካዎ ሺኢጲያ ማኦሮኮ ኪኢታንቻኬ፤ ለንካዎ ፖዎ ጌሃ ሻርናንሢ፡- ለንካዎ ሺኢጲያ ማኦሮኬ» ጌዔኔ።

* 1:10 ኅዳ ኬሎና፡- ጌይፃ ኅዳ ሃይባፓ ዔቄ ኬሎኬ፤ ሃሃ ኪሪሰቶሴ ጉሙርቃ ዓሳኣ ካኦኦ ካኦሻካ ኬሎኬ። 1:13 ዳኦኔ. 7:13፤ 10:5። 1:14 ዳኦኔ. 7:9፤ 10:6። 1:15 ሂዚ. 1:24፤ 43:2። 1:17 ዲሲ. 44:6፤ 48:12፤ የሃ. ጾፕዳ 2:8፤ 22:13።

2

ዔፕሶኔ ሺኢጲያ ማኦሮም ኬኤዚንቴ ባኦዚ

1 ሃሃ ኬኤዚያ፡- ዔፕሶኔ ሺኢጲያ ማኦሮ ከኢታንቻሂም ሂዚ ጌይ ፃኦፔ፤

«ሃይ ለንካዎ ዠኦጋሂ ፔኤኮ ሚዛቆ ኩጫ ዓርቄሂና ለንካዎ ዎርቆ ሻርኖ ባኦኮይዳ ሃንታ ዓሂ ኬኤዜያኬ፤

2 ኔኤኮ ማዶ፡ ዶዲ ኔ ማዶ ማዶ ሃሃ ገቢ ዳንዳዒዎዎ ታ ኔኤሲ ዔራኔ፤ ፑርቶ ዓሶ ዛገ ኔ ዚቲ ጌይባኦሂ፤ ሃሃ ጾኦሲ ማዶም ዳከንቲባኦያታዎ ኑ ዳከንቲያኬ ፔና ጋዓዞንሂ ዛገ ዶማሲ ሉኡዚ ዔያታ ማዔሂ ኔ ዔራሂያ ታ ዔራኔ።

3 ዬያጉዲ ገቢ ዳንዳዒ፡ ኔኤኮ ዶዲያና ታ ሱንጾር ቤልፃዲዎዎ ዶዲ ሜታሂ ኔ ዔኬሂ ታ ዔራኔ።

4 ጋዓንቴ ፔቲ ታ ኔኤኮ ቦሃ ባኦዚ ዓኦኔ፤ ዬና ዓይጎዳይ ጌዔቲ ኔኤኮ ቤርታኦ ናሹዎ ኔ ሃሺኔ፤

5 ዓካሪ ነኦሲ ሎኦማንዳሂኮ ቤርታ ዎካ ኔ ዓኦቲያ ማሊ ጳቂሄ፡ ጎሞዎ ኔኤኮ ቡኡፄ፤ ቤርታ ማዳሂጉዲ ማዶ፤ ዬያ ቢያ ኔ ማዳባኦቲ ታ ኔ ኮይላ ሙካንዳኔ፤ ጎሞዎ ኔ ቡኡፄባኦቲ ፖዎ ጌሃ ሻርኖ ቤዛፓ ታ ኔኤኮ ሺኢሻንዳኔ።

6 ጋዓንቴ ታ ኔና ሄርሻ ፔቲ ባኦዚ ዓኦኔ፤ ዬና፡- ታኦኒ ዒፃ፡ ኒቆላ ዓሶኮ ማዶ ኔኤኒያ ዒፄሂኬ።»

7 «ሺኢጲያ ማኦሮ ዓሶም ዓያና ጋዓ ባኮ ዎይዛ ዎይዚ ዓኦሂ ዎይዞንጎ! ጾሎና ባሼሂ ጾኦሲ ኮሼ፡ ኮዠ ቤዛ ዓኦ ሸምፖ ዒንጋ ሚፃሂ ዓኦፖ ታ ሙኡዛንዳኔ።»

ሴሜርኔሴ ሺኢጲያ ማኦሮም ኬኤዚንቴ ባኦዚ

8 ሃሃ ዒዚ ኬኤዚያ፡- «ሴሜርኔሴ ሺኢጲያ ማኦሮ ከኢታንቻሂም ሂዚ ጌዒ ፃኦፔ፤

«ሃይ ዓይፃሂና ጋፒንፃሂና ማዔያ ሃሃ ሃይቄዎዎ ሸምፖና ዓኦያ ማዔሂ ኬኤዜያኬ፤

9 ኔኤኮ ሜታሂና ማንቃቶና ታ ዔራኔ፤ ያዲ ማዔቲያ ኔ ጾርጎቹኬ፤ ዓይሁዴ ዓሲቱዎዎ «ኑ ዓይሁዴኬ» ፔና ጋዓ ዓሶንታ ፃላሄ ዓሲ ማዔ ዓሶንታ ሱንጾ ኔኤኮ ፑርቲሳሂ ታ ዔራኔ፤

10 ኔና ሄላንዳ ሜታሂ ዒጊጨፖ፤ ሃኦዛጉዎቲ ፃላሄ ዒንሂ ዎይታቲያ ዛጋኒ ዒንሂዳፓ ፔቲ ፔቲ ዓሶ ቱኡሲ ማኦሪ ጌልዚ ቱከሴም፡ ታጳ ኬሊ ዒንሂ ሜታዳንዳኔ፤ ጋዓንቴ ሃይቢ ሄላንዳኦና

2:7 ማዠ. ማፃ 2:9፤ ሂዚ. 28:13፤ 31:8። 2:8 ዒሲ. 44:6፤ 48:12፤ የሃ. ጾፔዳ 1:17፤ 22:13።

ጉሙርቁንታያ ማዔ፤ ቦንቺ ዒንጎ ባአዚ ማሂ ዒንጊንታ ናንጎ ታ ኔኤም ዒንጋንዳኔ።

11 « ሺኢጲያ ማኣሮም ዓያና ጋዓ ባኮ ዋይዛ ዋይዚ ዓአሂ ዋይዘንጎ! ጾሎና ባሼሂሂ ላምዓሳ ሃይባ ዋኦታንዳ ባአዚ ባአሴ» ጌዔኔ።

ጴርጋሞኔ ሺኢጲያ ማኣሮም ኬኤዚንቴ ባአዚ

12 ሃሃ ዒ ኬኤዛዎ፡- «ጴርጋሞኔ ሺኢጲያ ማኣሮ ኪኢታንቻሂም ሂዚ ጌዒ ፃአፔ፤

«ሃይ ላምዎ ዛላ ዋርቁንቴ ጨንቾ ዓጋሮ ዓርቁሂ ኬኤዜያኬ፤

13 ኔኤኒ ፃላሂኮ ካአቱም ያይታ ዓአ ቤዛ ዓአሂ ታ ዔራኔ፤ ያዲ ማዔቴያ ታ ሱንፆ ዶዲ ኔ ዓርቁኔ፤ ካአዠዋ ኔ ሃሺባአሴ፤ ሃሃ ታአኮ ጉሙርቁንታ ማርካ ማዔ ዓንቲጳሴ ዬያ ፃላሂ ካአታዴ፡ ዒንሂ ካታማ ዋዲንቴ ዋዶናታዎ ኔ ታና ጉሙርቁያ ሃሺባአሴ።

14 ያዲ ማዔቴያ ታ ኔኤኮ ቦሃ ፔቴ ፔቴ ባአዚ ዓአኔ፤ ዬና ዓይጎዳይ ጌዔቴ ባአላአሜ ጎምሂኮ ዔርዚያ ዓርቁ ፔቴ ፔቴ ዓሲ ዒንሂ ባአካ ዓአኔ፤ ዬይ ባአላአሜ ዒሲራዔኤሌ ዴራ ሜሌ ካአሺም ሹኪንቴ ዓሸኮ ሙዓንዳጉዲና ማቾ ሃሃ ዓኒ ማዒባአያና ላሂ፡ ዲሰንታንዳጉዲ ማሆም ጌዒ ባአላአቁ ጎምሂ ዒ ዘሬ ዘሮኬ።

15 ዬያጉዲ ሃሃ ኒቆላ ዓሶኮ ዔርዚያ ዓርቁ ዓሲያ ዒንሂ ባአካ ዓአኔ፤

16 ዬያሮ ጎሞ ኔኤኮ ቡኡፃ! ሃንጎ ዑከና ታ ኔ ኮይላ ሙኪ፡ ታ ዳንጋጋ ኬሰካ ጨንቾ ዓጋሮና ታ ዔያቶ ጨርጋንዳኔ።

17 «ሺኢጲያ ማኣሮም ዓያና ጋዓ ባኮ ዋይዛ ዋይዚ ዓአሂ ዋይዘንጎ! ጾሎና ባሼሂሂም ዓአቺ ጌሦና፡ ማና ጌይንታ ሙዎ ታ ዒንጋንዳኔ፤ ሃሃ ጊንሃ ዓኪ ሱንሂ ጊዳ ፃአፒንቴ፡ ቦኦሬ ሹቺ ታ ዒዛም ዒንጋንዳኔ፤ ዬኖ ዔኬ ዓሂዳጋ ዓታዛ ሜሌ ያኦኒያ ዬኖ ሱንፃሎ ዔራንዳያ ባአሴ» ጌዔኔ።

ቲያዲሮኔ ሺኢጲያ ማኣሮም ኬኤዚንቴ ባአዚ

18 ሃሃ ዒ ኬኤዛዎ፡- ቲያዲሮኔ ሺኢጲያ ማኣሮ ኪኢታንቻሂም ሂዚ ጌዒ ፃአፔ፤

«ሃይ ዔኤታ ታሚ ማላ ዓአፒ ዓአያ፤ ሃሃ ታሚዳ ዓጊ፡ ጊልፒ ዘቁሶና ዓንጊ ማላ ቶኪ ዓአ፡ ያኦሲ ናዓሂ ኬኤዜያኬ፤

2:11 የሃ. ያፕ. 20:14፤ 21:8። 2:14 ፓይ. ማፃ 22:5፤ 7፤ 31:16፤ ላሚ. ዋማ 23:4፤ ፓይ. ማፃ 25:1-3። 2:17 ኬሲ. ማፃ 16:14-15፤ 16:33-34፤ የሃ. 6:48-50፤ ዒሲ. 62:2፤ 65:15።

19 ታ ኔኤኮ ማዶ፣ ናሹሞ፣ ጉሙርቂያ ሃሣ ኔኤኒ ዔኤዒ ማዶ ማዶንታ ጊቢ ዳንዳዒ ደዲያንታ ዔራኔ፤ ቤርታኦሰካፓ ሃሣ ኔ ባሼ ማዶሢያ ታ ዔራኔ።

20 ጋዓንቴ ፔቴ ታ ኔኤኮ ቦሃ ባኦዚ ዓኦኔ፤ ዬና፡- «ያኦሲ ማለሢ ታ ኬኤዛያኮ» ጋዓ ላኦሌሎ፣ ዔልዛቤሎኮ ማዶ ኔ ዛጊ ዚቲ ጌዔኔ፤ ዒዛጋዓንቴ ታኦም ማዶ ዓሳ ማቸ ሃሣ ዒኒ ማዒባኦያና ላሃንዳጉዲና ሜሌ ካኦሺም ሹከንቴ ዓሽኮ ሙዓንዳጉዲ ዔርዚሢና ዓሶ ደቢሹኔ።

21 ዒዛ ጎሞ ፔኤኮ ቡኡፃንዳጉዲ ቤሲ ታ ዒዛም ጌሣኔ፤ ዒዛ ጋዓንቴ ጎሞ ፔኤሲ ቡኡፃኒ ኮይባኦሴ።

22 ዬያሮ ሃርጊሺ ታ ዒዛ ላይሣንዳኔ፤ ዒዛና ዎላ ማዶ ፑርቶ ማዶ ቡኡፃ ሃሽባኦቴ ዒዛና ዎላ ላሄ ዓሶ ቢያሢዳ ዴኤፒ ሜቶ ታ ዔኪ ዬዓንዳኔ፤

23 ዒዛና ዎላ ዬያ ማዶ ዓሶ ታ ዎዳንዳኔ፤ ሺኢጲያ ማኦሮ ዓሳ ቢያ ዓሲኮ ዒኔ ማለሢ ጋፒሲ ዛጊ ታኦኒ ዔራያ ማዔሢ ዔራንዳኔ፤ ዒንሢ ፔቴ ፔቴሢም ዒንሢኮ ማዶ ጎይያ ታ ዒንጋንዳኔ።

24 «ዒንሢ ቲያዒሮኔይዳ ዓኦያታያ ሃያ ፑርቶ ዔርዚያ ዔኪ ባኦዘንሢም ቢያ ዬያጉዲ ፔቴ ፔቴዘንሢ «ፃላህኮ ሃይ ዓኦሺንቴ ማለሢኮ» ጋዓ ማሊያይዳ ጌሊባኦዘንሢም፣ ሜሌ ዴኤሢ ዓይሥሢ ታ ዒንሢም ዓይሣዓኮ፤

25 ጋዓንቴ ታኦኒ ሙካዳንያ ሄላንዳኦና ዒንሢኮ ዓኦ ጉሙርቂያ ደዲሺ ዓርቁዎቴ ታ ጋዓኔ።

26 ያሎና ባሼሢ ታኦከ ማዶ ጋፒንሢ ሄሊሲ ደዲ ማዶሢም ሜሌ ዳሮ ዑፃ ቢታንቶ ታ ዒንጋንዳኔ፤

27 «ዒዚ ዔያቶ ሄርቁ ዎይሣንዳኔ፤ ዓጪና ማዦና ሜሄጉዲ ዎዲ ዒ ጋኦጫንዳኔ» ዬይ ቢታንታ ታኦኒ ታ ዓደይዳፓ ዔኮ ጎይያጉዴያኮ፤

28 ዒ ባሻያ ማዒያ ዔርዘኒ ካሪያ ዦኦጎ ታ ዒዛም ዒንጋንዳኔ።»

29 «ሺኢጲያ ማኦሮም ዓያና ጋዓ ባኮ ዎይዛ ዎይዚ ዓኦሢ ዎይዘንጎ!» ጌዔኔ።

3

ሴርዴሴ ሺኢጲያ ማኦሮም ኬኤዘንቴ ባኦዚ

1 ሃሣ ዒ ኬኤዛያ፡- ሴርዴሴ ሺኢጲያ ማኦሮ ኪኢታንቻሢም ሄዚ ጌዒ ፃኦ፤

2:20 1ካኦቶ. ማ 16:31፤ 2ካኦቶ. ማ 9:22፤30።

«ሃይ ጾሲሱ ለንካዎ ዓያኖንሢና ለንካዎ ዡኦንሢሢ ኩጫ ዓርቄሢ ኬኤዜያኩ፤ ማዶ ታ ኔኤኮ ዔራኔ፤ ሱንጾና ኔኤኒ ዋሊኩ፤ ጋዓንቴ ኔ ሃይቄያኩ።

² ዬያር ጴጬ! ኔኤኮ ማዶ ታ ጾኦዛሢ ቤርታ ፒዜ ማዔም ታ ዴንቁባኣሢሢ ሃይቃኒ ዑኪ ዓኣ፣ ዓቴ ባኮ ኔኤኮ ደዲሼ።

³ ዓካሪ ቤርታ ኔ ዎዚጉዴ ዔራቶ ዔኬያታቶዎ ሃሃ ዋይዜያታቶዎ ማሊ ጳቄሢ ካፔ፤ ጎሞዎ ኔኤኮ ቡኡፆ፤ ጋዓንቴ ኔ ጴጪባኣያ ማዔቴ ዉሲጉዲ፣ ኔ ዔራዎንቴ ታ ሙካንዳኣኬ፤ ዎማ ዎዴ ታ ሙካንዳቴያ ኔ ዔራዓኩ።

⁴ ጋዓንቴ ፔኤኮ ማኣዓሢ ኪንቁሲባኣ፣ ዳካ ዳካ ዓሲ ኔኤና ዎላ ሴርዴሴይዳ ዓኣኔ፤ ታኣና ዎላ ዔያታ ዓኣዳንዳያ ኮይሳያታሢሢ ቦኦ ማኣያ ማይንጉቴ ታኣና ዎላ ዓኣዳንዳይ።

⁵ ጾሎና ባሽሢ ዔያቶጉዲ ቦኦ ዓፒላ ማይንታንዳይ፤ ሱንጾ ዒዛኮ ታኣኒ ታ ዓዶና ኪኢታንቸናም ዔርዛንዳይ፤ ናንጊና ናንጋ ዓሲኮ ሱንጻ ፃኣፒንጉ ዓኣ፣ ናንጎ ማፃኣፖይዳፓ ሱንጻ ታ ዒዛኮ ባይዛዓኩ።»

⁶ «ሺኢጲያ ማኣርም ዓያና ጋዓ ባኮ ዋይዛ ዋይዚ ዓኣሢ ዋይዞንጎ!» ጌዔኔ።

ፒላዴልፒያ ሺኢጲያ ማኣርም ኬኤዚንቴ ባኣዚ

⁷ ሃሃ ኬኤዛዎ፡- ፒላዴልፒያ ሺኢጲያ ማኣር ኪኢታንቸሢሢ ሃዚ ጌዒ ፃኣፔ፤

«ሃይ ጾሲሱም ደማዴያ ሃሃ ጎኔ ማዔ፣ ካኣቲ ዳውቴ ቁልፖ ኩጫ ዓርቄሢ ኬኤዜያኩ፤ ዒዚ ቡሌሢ ጾኦኒያ ዎዲዎሴ፤ ዒዚ ዎዴሢ ጾኦኒያ ቡሌዎሴ።

⁸ ማዶ ታ ኔኤኮ ዔራኔ፤ ሃይሾ ጾኦኒያ ዎዳኒ ዳንዳዑዎ ቡሊንቴ ካራ ታ ኔ ቤርታ ጌሢ፤ ዎልቃ ኔኤኮ ዳካ ማዔሢ ታ ዔራኔ፤ ማዔቴያ ታ ቃኣሎ ኔ ካፔኔ፤ ታ ሱንጾዎ ኔ ዔራዎሴ ጌይ ሃሺባኣሴ።

⁹ ዓካሪ ዓይሁዴ ማዒባኣያ ኑ ዓይሁዴኬ ጋዓ ዓሲና ፃላሃ ዓሲ ማዔዞንሢሢ ሃሃ ሉኡቃዞንሢ ሙኪ ኔ ቶኮ ዴማ ሉኦሚ ኔኤም ዚጋንዳጉዲ ታ ማሃንዳይ፤ ታ ኔና ናሽካያታሢ ዔያቶ ታ ዔርዛንዳይ።

¹⁰ ጊቢ ዳንዳዓያ ማዔ ታ ኔኤም ጌዔሢ ኔ ካፔሢሢ ሳይዳ ናንጋ ዓሳ ዎይታቴያ ዘጋኒ ጌዒ ዓጮ ቢያይዳ ሙካንዳ ሜታሢዳፓ ታ ኔና ካፓንዳይ።

3:3 ማቴ. 24:43-44፤ ሉቃ. 12:39-40፤ ዮሃ. ጾፔሳ 16:15። **3:5** ኬሲ. ማፃ 32:32-33፤ ዓይኡ. 69:28፤ ዮሃ. ጾፔሳ 20:12፤ ማቴ. 10:32፤ ሉቃ. 12:8። **3:7** ዒሲ. 22:22፤ ዓዲ. 12:14። **3:8** ዒሲ. 49:23፤ 60:14፤ 43:4።

11 ታኣኒ ዑኩና ሙካንዳኔ፤ ቦንቸ ኔኤም ዒንጎ ባኮ ያኦኒያ ኔኤሲ ዔኩዋጉዲ ኔኤኮ ዓኣ ባኮ ዶዲሺ ዓርቁ።

12 ያሎና ባሺሢ ታ ያኦዛሢኮ ጌኤዦ ማኦርይዳ ቱርቱር ታ ማሃንዳኔ፤ ዩካፓ ዒ ዓጊፃዓኬ፤ ታ ያኦዛሢኮ ሱንፆንታ ታ ያኦዛሢኮ ካታሞ ሱንፆንታ ዒ ዛይዳ ታ ፃኦፓንዳኔ፤ ዩና ካታሚላ ጫሪንጮ፤ ታ ያኦዛሢኮ ኮራፓ ኬዳንዳ ዓኮ ዩሩሳላሜኬ፤ ታኣኮዋ ዓኮ ሱንፆ ዒ ዛ ዑፃ ታ ፃኦፓንዳኔ።

13 «ሺኢጲፆ ማኦርሞ ዓያና ጋዓ ባኮ ዋይዛ ዋይዚ ዓኣሢ ዋይዘንጎ!» ጌዔኔ።

ሎዶቂያ ሺኢጲፆ ማኦርሞ ኬኤዚንቴ ባኣዚ

14 ሃሣ ዒ ኬኤዛዎ፡- ሎዶቂያ ሺኢጲፆ ማኦር ከኢታንቻሢሞ ሂዚ ጌዒ ፃኣፔ፤

«ሃይ ጎኔ ማዔያ፡ ጉሙርቁንታያ፡ ጎኔ ማርካ ማዔያ፤ ሃሣ ያኦሲ ማኸንታ ቢያ ዒ ዛ ዛሎና ማዔሢ ኬኤዜያከ፤

15 ኔኤኮ ማዶ ታ ዔራኔ፤ ሺሜታቴ ሺሜ፡ ያይዲታቴያ ኔ ያይዲቱዋሴ፤ ኔኤኒ ሺሜ ሃንጎ ያይዲታቴ ኮሺታዎ ዓቴኔ፤

16 ያዲ ኔ ማዑዋዎ ጉሪ ቦልዕ ቦልዕ ጋዓያታሢረ ጳንጋፓ ታ ኔና ጩታኒኬ፤

17 ታኣኒ ያርጎቸኬ፤ ሚርጌ ቆሎ ታኣኮ ዓኣኔ፤ ታኣም ፓጩ፡ ዓይጎ ባኣዚያ ባኣሴ፤ ኔ ጋዓኔ፤ ጋዓንቴ ኔ ሜታዳያ፡ ማንቃቶና ዓሲኮ ዋልቃ ጌላያ፡ ዔኤቢባኣ ማንቆ፡ ዓኣፒ ባይቄያ፤ ሃሣ ካሎታሢያ ኔ ኔና ዔሩዋሴ፤

18 ኔኤኒ ያርጎጫኒ ታሞይዳ ዓጊንቴ ጎኑማ ዔርቴ ዋርቆንታ ኔኤኮ ቦርሳ ካሎሞ ዓኣቻኒ ቦኦሬ ዓፒላንታ ታ ጌዳፓ ኔ ሻንቃንዳጉዲ፡ ዛጋኒያ ዓኣፖ ቲሽኮ ጳኤሾ ኔ ሻንቁ ቲሽካንዳጉዲ ታ ኔና ዞራኔ።

19 ታኣኒ ናሽካዘንሢ ቢያ ሜቶ ዒንጌ ጎራኔ፤ ዩያር ዶዶ፤ ጎሞዋ ኔኤኮ ቡኡፆ።

20 ሃይሾ ታኣኒ ካራ ዔቂ «ማኦር ዓሲዮ» ጌይ ዔኤሊንታኔ፤ ያኦኒያ ታኣኮ ዑኡዞ ዋይዚ ካር ታኣም ቡሌቴ ዒ ዛ ባንሢ ታ ጌሊ ዒ ዛና ዋላ ሙኡዚ ሙዓንዳኔ፤ ዒዚያ ታኣና ዋላ ሙዓንዳኔ፤

21 ታኣኒ ያሎ ባሺ ታ ዓዶና ዋላ ታ ዓዶኮ ካኣቱሞ ያይታ ዴዔሢጉዲ፡ ያሎ ባሺሢያ ታኣና ዋላ ታ ካኣቱሞ ያይቶይዳ ታ ዴይሣንዳኔ።

3:12 የሃ. ያፔጳ 21:2፤ ዒሲ. 62:2፤ 65:15። 3:14 ሱኤጎ. ማፃ 8:22። 3:19 ኮኣኪ. 3:12፤ ዔ.ብ. 12:6።

22 «ሺኢጲያ ማኦሮም ዓያና ጋዓ ባኮ ዋይዛ ዋይዚ ዓኣሢ ዋይዘንጎ!» ጌዔኔ።

4

ጫሪንጮይዳ ጾሲኮ ካኦቱሞ ያይቶና ዒኢካ ሺኢቋንታ ሺኢጲያ

1 ዬካፓ ጫሪንጮይዳ ቡሊንቲ ዓኣ ካራ ታ ዴንቄኔ፤ ዬማና ዛዬ ዑኡሲጉዲ ኬኤዛ ቤርታኦ ዑኡዛሢ፡- «ሃኒ፥ ሃንጋ ኬሰኬ፤ ሃይፓ ሴካ፥ ቤርታ ማዓንዳ ባኣዚ ታ ኔና ጳዋንዳኔ» ታኦም ጋዓዛ።

2 ቤዘማና ታኣኒ ዓያና ጌኤሽ ማሊሢዳ ጌሌኔ፤ ዓካሪ ዒማና ጫሪንጮይዳ ካኦታ ዴዓ ያይታ ጌሢንቲ ዓኣንቲ ታ ዴንቄኔ፤

3 ዬኖ ያይቶይዳ ዴዒ ዓኣሢኮ ዓውካራ ሚርጌ ሚዛጳ ዒያሰጲዴና ሴርዲኖኔ ጌይንታ ሹጮ ዑያ ማሊያኬ፤ ካኦቱሞ ያይቶኮ ኮይላ ሜሬጌዴ ጌይንታ ሹጮ ዑያ ማላ ሚዛጲ ዠኡሎ ዓኣኔ።

4 ዬያጉዲ ሃሃ ካኦቱሞ ያይቶ ኮይላ ሜሌ ለማታሚ ያይዶ ካኦቱሞ ያይታ ዓኣኔ፤ ዬንሢ ያይቶንሢዳ ቦኦሬ ማኦጾ ማይንቲያ ሃሃ ቶኦኮይዳኣ ዋርቄፓ ኮሾና ቦንቾም ዓጎ ባኮ ዓጌ ለማታሚ ያይዶ ጋርቹ ዴዒ ዓኣኔ።

5 ካኦቱሞ ያይታሢዳፓ ዜኤሊንሢና ዑኡሲና ሃሃ ጉጉንሢያ ኬሰኬኔ፤ ሃሃ ዬያ ያይታሢኮ ቤርታ ፖዒ ፖዓ ለንካይ ያምፔ ዓኣኔ፤ ዬያታ ለንካዋ ጾሲ ዓያናንሢኔ።

6 ሃሃ ዬያ ያይታሢ ቤርታ ሌማሌኤሹጉዲ፥ ጌኤሽኪ ጴዳ ባዚ ዓኣኔ።

ካኦቱሞ ያይቶ ኮይሎይዳ ያይዶ ዛላ ሚርጌ ዓኣፒ ዓኣ ያይዶ ዲማ ዲማ ማዠንቲ ዓኣኔ።

7 ቤርታኦ ባካሢ ዘቢ ማሊያ፥ ለምዓሳሢ ጌማይ ማሊያ፥ ሃይሃሳሢ ጊንሃ ዓሲ ዓኣፒ ካራ ማላ ዓውካሬ ዓኣያኬ፤ ያይዳሳ፥ ጋፒንጻሢ ባራና ኮኦኬ ማሊያኬ።

8 ዬንሢ ያይዶ ባኮንሢኮ ላሆ ላሆ ጋኣሲ ዓኣኔ፤ ዬያቶኮ ዙሎና ጋርናይዳ ዲቢ ዓኣፒ ዓኣያኬ፤ ዔያታ ዋንቶና ርኦርና፡-

«ጾኦሽም ዲማዴሢዮ! ዲማዴሢዮ! ዲማዴሢዮ!

ቢያ ባኣዚ ዳንዳዓ፥ ጎዳ ማዔ ያኦዛሢዮ!

ሃሢ ዓኣሢና ሚናፓኦ ናንጋሢዮ

4:3 ሂዚ. 1:26-28፤ 10:1። 4:5 ኬሲ. ማፃ 19:16፤ ዮሃ. ያፔጳ 8:5፤ 11:19፤ 16:18፤ ሂዚ. 1:13፤ ዮሃ. ያፔጳ 1:4፤ ዛካ. 4:2። 4:7 ሂዚ. 1:5-10፤ 10:14።

ሃጊያ ሙካንዳሢየ!»

ጋዓኔ፤ ዬያ ዔያታ ሃሹዋየ ጋዓኔ።

9 ዬንሢ ባኮንሢ ካኦቱሞ ያይቶይዳ ዴዔሢሞ። ናንጊና ናንጋሢሞ፤ ቦንቾ፣ ሄርሺሢ፣ ጋላታኦ ሺኦሻ ዋዶና ቢያ።

10 ለማታሞ ያይዶ ጋርቾንሢ ናንጎና ናንጋሢሞ፣ ካኦቱሞ ያይቶይዳ ዴዔሢሞ ጉሞዓቲ ዚጋኔ፤ ዔያቶኮ ቶኦካ ዓጎ፣ ቦንቾ ባኮ ካኦቱሞ ያይቶ ቤርታ ጌሢ፡-

11 «ኑ ጎዳ ማዔ ኑ ያኦካሢየ!»

ቢያ ባኦከ ኔ ማኸሢሢ

ቢያ ባካ ማኸንቴሢና ማዔሢ፣

ኔ ማሊያና ማዔሢ

ቦንቾና ሄርሺሢና ዋልቄያ ኔኤም ኮይሳያኬ»

ዔያታ ጋዓኔ።

5

ማሪንቴ ማፃኦጎና ማራዓሢና ዛላ

1 ካኦቱሞ ያይቶይዳ ዴዔሢኮ ማዛቆ ኩጫ ጋርና ዙሎናይዳ ቢያ ፃኦፒንቴያ ሃሢ ለንካይ ዔርዛ ማላታ ዑፃ ያኦኒያ ቡሎዋጉዳ ዒይሠና ማሪንቴ ማፃኦፒ ታ ዛጌኔ፤

2 ፔቴ ዴኤፒ፣ ኪኢታንቾሰኬይ ዴጊ ጌዔ ዑኡሲና፡- «ዬንሢ ዔርዛ ማላቶንሢ ቡላኒና ማፃኦጎዋ ቡላኒ ዳንዳዓሢ ያናዳይ?» ጋዓንቴ ታ ዛጌኔ።

3 ጋዓንቴ ጫሪንጮይዳ ሳይይዳ ሃሢ ሳይኮዋ ዴማ ማፃኦጎ ቡሊ ጋርይዳ ዓኦ ባኮ ዛጋኒ ዳንዳዓ ዓሲ ያኦኒያ ባኦያ ማዔኔ፤

4 ማፃኦጎሢ ቡሊ ጋር ዛጋኒ ዳንዳዓ ዓሲ ጴዲባኦያ ማዔሢ ታ ዴንቄ ዋዶና ሚርጌና ዬኤኬኔ፤

5 ዬማና ጋርቾንሢዳፓ ፔቴይ፡- «ዬኤኪፖ፤ ሃኦካጌ ዪሁዳ ማኦራፓ ማዔ፣ ዘባሢ፣ ዳውቴ ፃጲሢ ያሎና ባሼያ ማዔሢር ዒዚ ማፃኦጎሢና ለንካዎ <ቡሎፓ> ጌይንቴ ማላቶንሢ ቡላኒ ዳንዳዓያኬ» ታኦም ጌዔኔ።

6 ዬካፓ ካኦቱሞ ያይቶና ያይዶ ባኮንሢኮ ሃሢ ጨሞንሢኮዋ ባኦካ ዋዶና ማላ ማራይ ዔቁ ዓኦንቴ ታ ዛጌኔ፤ ዬያ ማራዓሢኮ ለንካይ ጉራኒና ለንካይ ዓኦፒና ዓኦኔ፤ ዬያታ ዓጮ ቢያ ዳኪንቴ ለንካዎ ያኦሲ ዓያኖንሢኬ።

4:8 ሂዚ. 1:18፤ 10:12፤ ዒሲ. 6:2-3። 5:1 ሂዚ. 2:9-10፤ ዒሲ. 29:11። 5:5 ማኸ. ማፃ 49:9፤ ዒሲ. 11:1፤ 10። 5:6 ዒሲ. 53:7፤ ዛካ. 4:10።

7 ማራዓሢ ሙኪ ካአቱሞ የይቶይዳ ዴዔሢኮ ሚዛቆ ኩጫ ዓኣ፥ ማፃኣፓሢ ዔኬኔ፤

8 ዒዚ ማፃኣፓ ዔካማና የይደ ባኮንሢንታ ለማታሞ የይደ ጨሞንሢንታ ማራዓሢኮ ቤርታ ጉሞዓቲ፥ ባሊቶና ሂርኪ ጌዒ ዘጌኔ፤ ዬያታ ፔቲ ፔቲሢ ኩጫይዳ ጎኦላ ዔኪ ሃሣ ያኦሲሞ ዲማዴ ዓሶኮ ሺኢጲያ ማዔ ዑንጆ ዓርቄያ ሞርቄና ኮሾና ዔቲ ማዔ ዳካ ሳኣኔ ዔኪ ዓኣኔ።

9 ዔያታ ቤርታ ጌይንቲ ቤቂባኣ ያኦሲ ቦንቾሞ ማዓ ዓይቲሞ፡-

«ማፃኣፓሢ ዔካኒና
 <ቡሎፖ> ጌይንቲ ማላቶንሢያ ቡላኒ
 ኔ ዳንዳዓያ ማዔኔ፤

ዎይቲ ጌዔቲ ኔኤኒ ዎዲንቲኔ፤
 ኔኤኮ ሱጉያና ዲማ ዲማ ቶኦካፓ
 ዲማ ሙኡቹ ጌሰታ ዓሶፓ፥ ዜርፃፓ
 ሃሣ ዓሲ ቢያ ባኣካፓ ዲማሲ
 ዓሶ ያኦሲሞ ኔ ጊንሣ ማሂ ሻንቄኔ፤

10 ኑ ያኣዛሢማኣ ቄኤሴ ማዒ
 ዔያታ ማዳንዳጉዲ ኔ ማሃኔ፤
 ሳየይዳኣ ዔያታ ካኣታዳንዳኔ»

ጌዒ ጌዒ ዓይናዴኔ።

11 ዬካፓ ሃሣ ታ ዛጋያ ካአቱሞ የይቶና የይደ ባኮንሢና ጨሞንሢናኮ ኮይላ ሚርጌ ኪኢታንቾኮ ዑኡሲ ታ ዎይዜኔ፤ ዬያቶኮ ሚርጌማ ሚርጌ ሺያፓ ዑሣ ሃሣ ፓይዲንታኒያ ዳንዳዒንቲዎያኬ፤

12 ዬያታ ዴኤፒ ዑኡሲና፡-
 «ዎዲንቲ ማራዓሢሞ ዎልቄ፥ ቆሎ
 ዔራቶ፥ ደደሞ፥ ቦንቾንታ ሂርሺሢንታ
 ጋላታንታ ኮይሳያኬ» ጌይ ዓይናዴኔ።

13 ዬካፓ ጫሪንጮና ሳየናይዳ፥ ሳየኮዎ ዴማ ሃሣ ዴኤፖ ባዘናይዳ፥ ዬያ ባኮ ቢያይዳ ዓኣ ማዢንታ ቢያ፡-
 «ካአቱሞ የይቶይዳ ዴዔሢና ማራዓሢናሞ
 ጋላታ፥ ቦንቾ፥ ሂርሺሢንታ ዎልቄንታ
 ናንጊና ማዎንጎ» ጌይ ዓይናዳንቲ ታ ዎይዜኔ።

14 የይደ ባኮንሢና «ዓኣሚን» ጌዔኔ፤ ጋርቾንሢ ጊንሣ ባሊቶ ሳየ ባንሢ ሂርኪዲ ጉሞዓቲ ዘጌኔ።

5:8 ዓይኔ. 141:2። 5:9 ዓይኔ. 33:3፤ 98:1፤ ዒሲ. 42:10። 5:10 ኬሲ. ማፃ 19:6፤ የሃ. ያፒዳ 1:6። 5:11 ዳኣኔ. 7:10።

6

«ቡሎፖ» ጌይ ዓይሆና ዔርዛ ማላቶንሢኮ ቡሊንቲያ

1 ዬካፓ ማራዓሢ ለንካዎ «ቡሎፖ» ጌይ ዓይሆና ዔርዛ ማላቶንሢካፓ ቤርታሳዞ ቡላንቲ ታ ዛጌኔ፤ ዒማና ያይዶ ባኮንሢካፓ ፔቴሢ ጉጉንሢኑዴ ዑኡሲና «ሃኒ ዬዔ!» ጋዓንቲ ታ ዋይዜኔ።

2 ዒማና ቦኔሬ ፓሮ ታ ዴንቄኔ፤ ዬያ ፓራሢ ዓኣዛ ዓርቄ ዓሲ ቶጊ ዓኣኔ፤ ዒዛም ቦንቸሮ ቶኦካ ዓጎ ባካ ዒንጊንቲኔ፤ ዒዚያ ያሎና ባሻያ ማዒ ባሺ ባሺ ዓኣዳኒ ኬሰኬኔ።

3 ማራዓሢ ለምዓሳ ዔርዛ ማላቶ ቡሌ ዎዶና ለምዓሳ ባካሢ «ሃኒ ዬዔ!» ጋዓንቲ ታ ዋይዜኔ።

4 ሃሣ ማሌ ሱጉሢኑዴ ዞቄ ፓራ ኬሰኬኔ፤ ዬያ ቶጌሢም ሳይይዳ ኮሺ ናንጊ ባይዛንዳጉዲና ዓሲ ዎሊ ዎዳንዳጉዲ ማሃንዳ ቢታንቶ ዒንጊንቲኔ፤ ዴኤፐ ጩንቻ ዓፓሮዎ ዒዛም ዒንጊንቲኔ።

5 ማራዓሢ ሃይሣሳ ዔርዛ ማላቶ ቡሌ ዎዶና ሃይሣሳ ባካሢ «ሃኒ ዬዔ!» ጋዓንቲ ታ ዋይዜኔ፤ ዒማና ታ ሃሣ ካርሢ ፓሮ ዴንቄኔ፤ ዬያ ፓራሢ ቶጌሢ ኩጫ ዴኤሡሞ ዔርዛ ባኣዚ ዔኪ ዓኣኔ።

6 ዬካፓ ያይዶ ባኮንሢ ባኣካፓ ዑኡሲጉዴ ባኣዚ ታኣም ዋይዚንቲያ ማሌኔ፤ ዬና ዑኡዛ «ዛላ ኪሎ ማዓ ዛርጌ ፔቴ ኬሊ ማዶና ማዶ ዛላ ዒንጊንታያ፣ ፔቴ ኪሎና ዛላና ማዓ ዔልዓ ዬና ጎይያ ፔቴ ኬሊ ማዶ ማዶም ዒንጊንታያ ማዎም፤ ዛይቶና ዎይናፓ ኮሻና ዑጉና ጋዓንቲ ፑርቲሲ፣ ባይዚፖ» ጋዓንቲ ታ ዋይዜኔ።

7 ማራዓሢ ያይዳሳ ዔርዛ ማላቶ ቡሌ ዎዶና ያይዳሳ ባካሢ «ሃኒ ዬዔ!» ጋዓንቲ ታ ዋይዜኔ፤

8 ዬማና ጋላፒ ፓሮ ታ ዴንቄኔ፤ ዬያ ቶጊ ዓኣ፣ ዓሢኮ ሱንፃ ሃይቢ ጌይንታያኬ፤ ዒዛኮ ጊንፆ ዓርቄ ሃይቄ ዓሳ ኬዳ ቤዛ ሙኪ ሙኪ ዓኣኔ፤ ዔያቶም ሳዎኮ ዛሎኮ ዛሎ ያልዚና፣ ናይዚና፣ ፑርታ ዶርዖና ሃሣ ካይዚ ቦዖና ዎዲሺ ባይዛንዳጉዲ ቢታንቶ ዒንጊንቲኔ።

9 ድንጋሳ ዔርዛ ማላቶ ዒ ቡሌ ዎዶና ያኦሲ ቃኣሎና ዔያታ ማርካዴ ማርካቶ ዛሎናሮ ጌይ ዎዶና ዓሶኮ ሽምፓሢ ያኦሲም ዒንጊ ካኣሽኮ ቤዞኮ ዴማ ዓኣንቲ ታ ዴንቄኔ፤

10 ዔያታ ዴጊ ጌዔ ዑኡሲና፡- «ዴማዴያ ሃሣ ጎኔ ማዔያ፣ ቢያሢኮ ዑፃ ማዔ ጎዳሢኖ! ሳይይዳ ዓኣ ዓሶይዳ ኔ ዎጉዎኣሢና ኑ ሱጉያ ዛሎዎ ኮሞ ኔ ዔኩዎኣሢ ዎማ ሄላንዳኣናዳይ!» ጌዒ ጌዒ ዒላታኔ።

6:2 ዛካ. 1:8፤ 6:3፤ 6። 6:4 ዛካ. 1:8፤ 6:2። 6:5 ዛካ. 6:2፤ 6። 6:8 ሂዚ. 14:21።

11 ዩካፓ ፔቴ ፔቴዞንሢም ቦኦሬ ማእዓ ዒንገንጉቴ፤ ሃጊ ዒያቶጉዲ ወደጎደ፣ ያኦሲም ማዳያ ማዕፍ፣ ዒያቶኮ ላጎ ሃሣ ዒሸንሢ ማዕዞንሢኮ ፓይዳ ኩማንዳያ ሄላንዳኦና ዳካ ዒያታ ገቢ ዳንዳዒ ደዓንዳጉዲ ዒያቶም ከኤዚንጉቴ።

12 ዩካፓ ማራዒሢ ላሃሳ ዔርዘ ማላቶ ቡላንቴ ታ ዛጌ፤ ዩማና ሳዓ ሚርጌና ዓገጃ፤ ዓባ ካርሢ ዓፒላጉዲ ካርታዛ ዓገና ጉቤና ሱፐሢጉዲ ዘቄ፤

13 ዴኤፒ ዠባሬ ቤሌሴ ሚያ ዓገሣ ወደና ካዲባኦ ዓኣፓ ሚፃፓ ዲኢናሢጉዲ ጫሪንጮ ዠኦጋሢያ ዲኢኔ።

14 ጫሪንጫ ማሪንቴ ማፃኦፖጉዲ ማዒ፣ ማርቲ ዴንዴ፤ ሃሣ ዲኩንታ ዋኦያ ሳዛ ዓኦ ዓጫ ዓኦ ቤዛፓ ሺኢኪ ባይቄ።

15 ዓጮኮ ደማ ደማ ካኦታ፣ ወይሣ ዓሳ፣ ፖኦሊሶ ዓይሣ ዓሳ፣ ያርጎጮ ዓሳ፣ ዶዶ ዓሳ፣ ዴማ ማዒ ማዳ ዓሶንታ ማዲሻ ዓሶንታ ቢያ ዴና ባኦካ ዓኦ ዒቶና ዲኮና ሃሣ ላሎ ቆኦፖናይዳ ዓኦሺንጉቴ፤

16 ዩካፓ ዲኮና ላሎናም፡- «ኑ ዑያይዳ ደዑዋቴ! ካኦቱም ያይቶይዳ ዴዒሚና ማራዒሢኮ ጎሪንታፓ ኑና ዓኦቹዋቴ!

17 ዓይጎር ጌዔቴ ዴኤፖ ዒያቶኮ ጎሪንቶ ከላ ሙከሢሢር ያኦኒ ዩያኮ ቤርታ ዒቃኒ ዳንዳዓንዳይ?» ጌዔ።

7

144000 ዒሰራዔኤሌ ዓሶ

1 ዩካፓ ያይዶ ከኢታንቻ ዓጮኮ ያይዶ ዛሎና ዒቂ ዓኦንቴ ታ ዴንቄ፤ ዒያታ ሳያይዳ ማፖም ባዘይዳ ሃሣ ሚያይዳ ዓይጎ ዠባሬያ ዠባርሹዋጉዲ ዓጮኮ ያይዶ ዛላፓ ሙካ ዠባር ቢያ ላኦሊ ዓርቄ።

2 ሃሣ ገንሣ ናንገና ናንጋ ያኦዛሢኮ ዔርዘ ማላቶ ኩጫ ዔከ፣ ሜሌ ያኦሲ ከኢታንቻ ዓባ ከሰካ ዛላፓ ሙካንጉቴ ታ ዴንቄ፤ ዒዚያ ሳያና ባዘና ባይዛንዳጉዲ ቢታንታ ዒንገንጉቴ ያይዶ ከኢታንቻንሢም ዴኤፒ ዑኡሲና፡-

3 «ኑ ያኦዛሢም ማዳ ዓሶኮ ባሊቶይዳ ዴማሲ ዔርዘ ማላቶ ኑ ዓይሣንዳያ ሄላንዳኦና ሳያ ማዕቴያ ባዘ፤ ሃሣ ሚያዎ ዔኤቢ ዋኦቲፖቴ» ጌዔ።

6:12 የሃ. ያፔላ 11:13፤ 16:18፤ ዒ.ሲ. 13:10፤ ዒ.ደ. 2:10፤ 31፤ 3:15፤ ማቲ. 24:29፤ ማር. 13:24-25፤ ሉቃ. 21:25። 6:13 ዒ.ሲ. 34:4። 6:14 የሃ. ያፔላ 16:20። 6:15 ዒ.ሲ. 2:19-21። 6:16 ሆሴ. 10:8፤ ሉቃ. 23:30። 6:17 ዒ.ደ. 2:11፤ ሚሏ. 3:2። 7:1 ዓ.ር. 49:36፤ ዳኦኔ. 7:2፤ ዛካ. 6:5። 7:3 ሂዚ. 9:4፤ 6።

4 ዔርዘ ማላቶ ዓይሢንቴ ዓሶኮ ፓይዶ ታ ዋይዘኔ፤ ዬያታ ዒሰራዔኤሌ ፃጶ ቢያይዳፓ ማዔያ ጃኤታና ሃይዲታሚ ሃይዶ ሺያ ዓሲኬ።

5-8 ዪሁዳ ፃጶ፣ ርኦቤኤሌ ፃጶ፣ ጋኣዴ ፃጶ፣ ዓሴኤሬ ፃጶ፣ ኒፕታኣሌኤሜ ፃጶ፣ ሚናኣሴ ፃጶ፣ ሲሞኦኔ ፃጶ፣ ሌዋ ፃጶ፣ ዪሳኮኦሬ ፃጶ፣ ዛብሎኦኔ ፃጶ፣ ዮሴፔና ቢኢኒያሜና ፃጶ፤ ዬያ ፔቴ ፔቴሢ ፃጶ ታጶ ላሞፖ ሺያ፣ ሺያ ዓሲሞ ማላታ ዓይሢንቴ።

ቦኦሬ ማኣፖ ማይንቴ ሚርጌ ዴሬ

9 ዬካፓ ሃኦኒያ ፓይዳኒ ዳንዳዑዋ፣ ሚርጌ ዓሲ ታ ዴንቄ፤ ዬያታ ዲማ ዲማ ዴሬይዳ፣ ቶኦኪዳ፣ ዜርሢዳ፣ ሙኡቸ፣ ጌሰታ ዓሲዳ፣ ቡኬ ዓሲኬ፤ ዔያታ ቦኦሬ ማኣፖ ማይንቴ፣ ሜኤፆ ዒላሺያ ፔ ኩጫ ዓርቂ ካኦቱሞ ሃይቶና ማራዓሢና ቤርታ ዔቃፖ።

10 ዴኤፒ ዑኡሲና፡- «ዳቂንታ ኦሞ ጴዳሢ ካኦቱሞ ሃይቶይዳ ዴዔ፣ ኦ ሃኦከሢና ማራዓሢናይዳ፣ ጌዒ ጌዒ ዒላታ።»

11 ከኢታንቻ ቢያ ሃሃ ካኦቱሞ ሃይቶና ጋርቾንሢና ሃሃ ሃይዶ ባኮንሢኮ ዓጫ ዔቁ፣ ካኦቱሞ ሃይቶ ቤርታ ባሊቶና ሂርኪ ጌዒ ሃኦሲሞ ዚጋፖ።

12 ሂዚ ጌዔ፡- «ዓኣሜን፤ ሄርሺሢና ቦንቾና ዔራቶና፣ ጋላታና ዴኤፒሲሢና ዋልቄና ደዲሞና፣ ኦ ሃኦከሢሞ ናንጊና ማፖንጎ፤ ዓኣሜን።»

13 ዬማና ጋርቾንሢዳ፣ ፔቴ ታ ባንሢ ሺራፖ፡- «ሃንሢ ቦኦሬ ማኣዓሢ ማይንቴዘንሢ ሃናንሢዳይ? ዓንካፓ ዔያታ ሙኤይ?» ጌዒ ታና ሃኦጩ።

14 ታኣኒያ ማሃ፡- «ጎዳሢዮ! ኔ ዔራኔ» ጋዓዛ፣ ዒዚ «ሃንሢ ዴኤፖ ሚታሢ ጊዴና ኬሰኪ ሙኤዘንሢኬ፤ ዔያታ ፔኤኮ ማኣዓሢ ማራዓሢ ሱኮፖና ማሰኪ ቦኦሪሺኔ፤

15 ዬያር ሃኦሲ ካኦቱሞ ሃይቶ ቤርታ ዋንቴና ርኦሪና ጌኤኮ ማኣርይዳ ዒዛሞ ማዳኔ፤ ካኦቱሞ ሃይቶይዳ ዴዔሢ ዔያቶ ባኣካ ማዒ ዔያቶኮ ሺባሢ ማዓንዳ።

16 ሃካፓ ሴካ ዔያታና ደዲንታዓኬ፤ ዴኤቢያ ዴኤቢንታዓኬ፤ ዓቢ ዔያቶ ሚቻዓኬ፤ ሩኡጲያ ዔያቶ ሄላዓኬ፤

17 ዓይጎር ጌዔቴ ካኦቱሞ ሃይቶ ባኣካ ዓኣ ማራዓሢ ዔያቶኮ ሄንቃሢ ማዓንዳ፤ ናንጎ ዓልቃ ዋኣፖ ባንሢያ ዔያቶ ዒ ዔኪ

7:14 ዳኣኔ. 12:1፤ ማቲ. 24:21፤ ማር. 13:19። 7:16 ዒሲ. 49:10።

ዓኣዳንዳኔ፤ ያኦሲ ዔያቶኮ ዓቢያ ዓኣፓፓ ቢያ ዑጫንዳኔ» ታኣም ገዔኔ።

8

ቡሊንቶፓ ገይ ዓይሦና ለንካሳዘኮ ቡሊንቲያ

1 ማራዓሢ ቡሊንቶፓ ገይ ዓይሦና ለንካሳ፡ ባኬሎ ቡሌ ዎዶና ጫሪንጫ ዋይዘንታ ባኣዚ ባኣያ ማዒ፡ ዳካ ዚቲዮ ገዔኔ፤

2 ዩካፓ ያኦሲ ቤርታ ዔቃ፡ ለንካዎ ከኢታንቸ ታ ዴንቄ፤ ዔያቶም ዒማና ለንካይ ዛዬ ዒንገንቴ።

3 ዑንጅ ጩቢሶያ ዎርቄና ኮሺንቴ ሱሢ ኩንዔ ኩጫ ዔኬ፡ ከኢታንቸ ሙካያ ያኦሲም ዒንጎ ባካ ዒንገንታ ቤዞ ኮይላ ዔቃዛ ካኣቱም ያይቶ ቤርታ ዓኣ፡ ዎርቄና ኮሺንቴ ያኦሲም ዒንጎ ባኮ ዒንጎ ቤዛ፡ ያኦሲም ዲማዴ ዓሶኮ ሺኢጲያና ዎላ ያኦሲ ቤርቶ ሺኢሻንዳጉዲ ሚርገ ዑንጅ ዒዛም ዒንገንቴ።

4 ዑንጅኮ ጩባ ያኦሲም ዲማዴ ዓሶኮ ሺኢጲያና ዎላ ከኢታንቸሢ ኩጫፓ ያኦሲ ቤርቶ ኬሰኬ።

5 ዩካፓ ከኢታንቸሢ ጩቢሶ፡ ሱያ ኩንዎ ዔኬ ያኦሲም ዒንጎ ባኮ ዒንጎ ቤዛፓ ታሚ ካኣሺ ሱያ ኩንዎይዳ ኩንሢሰካፓ ሳያ ባንሢ ኬኤራዛ ጉጉንሢና ዴኤፒ ዑኡሲና ሃሃ ዜኤሊንሢያ ዜኤሊንሢያም ሳዓ ዓገጸ።

ከኢታንቸ ዛያሢ ዎርቄሢ

6 ዩካፓ ለንካይ ዛዬ ኩጫ ዔኬ፡ ለንካይ ከኢታንቸሰኬንሢ ዛያሢ ዎርቄኒ ገኢገንቴ።

7 ቤርታሳ ከኢታንቸሢ ዛያሢ ዎርቄዛ፡ ሱጉሢ ሲኢሪንቴ ሻቸና ታሚና ሳዓ ኬዴ፤ ዩማና ዛላኮ ዛላ ገንሢ ማዓ ሳዓ ሚጩ፤ ሚያንታ ዓኣዔ ማኣቶንታኮ ዛላኮ ዛላ ማዓይ ቢያ ሚጩ።

8 ሃሃ ለምዓሳ ከኢታንቸሢ ዛያሢ ዎርቄዛ ታሚ ዔኤታ፡ ዴኤፒ ዴካ ማላ ባኣዚ ባዞይዳ ኬዳዛ ዛላኮ ዛላ ገንሢ ማዓይ ቢያ ባዞኮ ሱጉሢ ማዓ፤

9 ባዞይዳ ናንጋ፡ ሺምፓ ዓኣ ባኮኮ ዛላኮ ዛላ ማዓይ ቢያ ሃይቄ፤ ሃሃ ዎኣያ ካኣሚሎኮ ዛላኮ ዛላ ገንሢ ማዓይ ቢያ ፑርቲ ጋፒ።

7:17 ዓይኑ 23:1፤ ሂዚ. 34:23፤ ዓይኑ 23:2፤ ዒሲ. 49:10፤ 25:8። 8:3 ዓዎ. 9:1፤ ኬሲ. ማፃ 30:1፤ 3። 8:5 ሌዊ. ዓኬ 16:12፤ ሂዚ. 10:2፤ ኬሲ. ማፃ 19:16፤ የሃ. ያፑሩ 11:19፤ 16:18። 8:7 ኬሲ. ማፃ 9:23-25፤ ሂዚ. 38:22።

10 ሃይሣሳ ከኢታንቻሢ ዛያሢ ዋርቃዛ የምፔጉዲ ዔኤታ ጳኤፒ ዠኦጌ ጫሪንጫፓ ዋሮ ዋኦያና ዓልቃ ዋኦያናኮ ዛላኮ ዛላ ማዓ ጊንጾይዳ ኬዴ።

11 ዬያ ዠኦጌሃሂኮ ሱንፃ «ዋላንጋ» ጌይንታያኬ፤ ዬያሮ ዋኦያኮ ዛላኮ ዛላ ጊንሢ ማዓይ ቢያ ጫንቺ ማዔኔ፤ ዋኦያኮ ጫንቁይዳፓ ዔቁያና ሚርጌ ዓሲ ሃይቄ።

12 ጾይዳሳ ከኢታንቻሢ ዛያሢ ዋርቃዛ ዓቦንታ ዓጊኖንታ ዠኦጌሃሂንታኮ ዛላኮ ዛላ ጊንሢ ማዓይ ቢያ ዲይንቴኔ፤ ሮኦሮንታ ዒባኖንታኮ ዛላኮ ዛላ ማዓ ጊንጾይዳ ፖዒ ፖዑዋጉዲ ላኦጊንቴኔ።

13 ዬካፓ ሃሣ ፔቴ ኮኦኬ ጫሪንጫ ባራናንቴ ታ ዴንቄ፤ ዬይ ጳኤፒ ዑኡሲና፡- «ዓቴ ሃይሃ ከኢታንቻሢ ዛያሢ ዋርቃዛ ዋይዘንታንዳ ዑኡዞ ዛሎና ሳጾይዳ ናንጋ ዓሶም ባዴዔ! ባዴዔ! ባዴዔ!» ጋዓንቴ ታ ዋይዘኔ።

9

1 ደንጋሳ ከኢታንቻሢ ዛያሢ ዋርቃዛ፡ ዒማና ጫሪንጫፓ ሳዓ ኬዴ ፔቴ ዠኦጌ ታ ዴንቄ፤ ዬያ ዠኦጌሃሂም ዴኤፖ፡ ዒጊቻ ዔቶ * ቡሎ ቁልፔ ዒንጊንቴኔ።

2 ዒዚ ዔቶ ቡሎ ዋደና ዓንሢ ታሚፓ ኬሰካ፡ ጩቢጉዴ ጩቢ ዔታፓ ኬሰኬኔ፤ ዬይ ዔታፓ ኬሰካ ጩባ ዓቦንታ ጫሪንጫንታ ቢያ ዲሚሼኔ፤

3 ዬያ ጩቦ ባኦካፓ ዓቢሢ ሳጾይዳ ኬዴ፤ ዬያቶም ሳጾይዳ ዓኦ ኮርናሢም ዒንጊንቴ ዋልቆጉዴ ዋልቄ ዒንጊንቴኔ፤

4 ሳጾይዳ ዓኦ ማኦቶንታ ዋርቄ ዓኦ ዒላሺንታ ሃሣ ዲማ ዲማ ሚፆ ዔያታ ካኦሙዋጉዲ ዔያቶም ኬኤዚንቴኔ፤ ጋዓንቴ ዔያታ ሚታሳንዳጉዲ ጌይንቴሢ ባሊቶይዳ ያኦሲሮ ማዒፆ ዔርዛ ማላታባኦ ዓሶኬ።

5 ዬያቶ ደንጎ ዓጊኒ ሌሊ ሚታሳንዳጉዲ ማዓንዳኦፓዓቴም ዋዳንዳጉዲ ዋልቄ ዒንጊቦኦኬ፤ ዔያታ ሚታሳንዳ ጎይፃ ኮርና ዓሲ ዳዓፆ ሚታሳሢ ጎይፆ ሚታሳንዳጉዲኬ።

6 ዬንሢ ኬሎንሢዳ ዬና ዓሳ ሃይቃኒ ኮዓንዳኔ፤ ጋዓንቴ ዔያቶም ማዓዓኬ፤ ሃይቢ ዔያታ ሱኡካዳንዳኔ፤ ጋዓንቴ ሃይቢ ዔያቶ ኮይላፓ ዴንዲ ባይቃንዳኔ።

8:10 ዓ.ሲ. 14:12። **8:11** ዓ.ር. 9:15። **8:12** ዓ.ሲ. 13:10፤ ሂዚ. 32:7፤ ዓ.ዪ. 2:10፤ 3:15። * **9:1** ዴኤፖ፡ ዒጊቻ ዔቶ፡- ጌይፃ ሳጾኮ ዴማ ፃላሆ ዓያና ጋፒንፆ ዋጎ ኬሎ ሄላንዳኦና ዴዓ ዓኦ ቤዞኬ። **9:2** ማዠ. ማፃ 19:28። **9:3** ኬሲ. ማፃ 10:12-15። **9:4** ሂዚ. 9:4። **9:6** ዓ.ዮ. 3:21፤ ዓ.ር. 8:3።

7 ዓቢፃ ያልዚም ገእጌ ፓሮ ማላኔ፤ ዔያቶኮ ቶኦኮይዳ ዓጎያ፤ ዋርቁና ኮሺንቴ ቦንቾሮ ዓጎ ባካ ዓኣኔ፤ ዓኣፖ ካራ ዔያቶኮ ዓሲሮ ማላያኬ፤

8 ዔያቶኮ ቶኦኮ ጋፓና ላኣሊሮ ማላኔ፤ ዓጫ ዔያቶኮ ዘቢ ዓቺ ማላያኬ፤

9 ዓንገና ኮሺንታ ያሎ ማኣዓሢ ማላ፤ ማኣዓ ዔያቶኮ ዓኣኔ፤ ዔያቶ ጋኣዘኮ ዑኡዛ ያልዚሮ ዓኣዳ ሚርጌ ፓሮና ሳርጌላ ያይታናኮ ካኣኒ ማላያኬ።

10 ኮርኖጉዲ ዑንኪና ዳዓ፤ ቤልሢ ዔያቶኮ ዓኣኔ፤ ዓሶ ዔያታ ደንጎ ዓገኒ ሜታሳንዳ ዋልቃ ዔያቶኮ ዑንኮይዳ ዓኣኔ።

11 ዔያቶ ዋይሢ ካኣቲ ዔያቶኮ ዓኣኔ፤ ዒዚ ዴኤፖ፡ ዓጊቻ ዔቶኮ ከኢታንቻሢ፤ ሱንፃ ዒዛኮ ዔብሬ ዓሶ ሙኡጮና «ዓብዶኔ»፤ ጊሪኬ ዓሶ ሙኡጮና «ዓጺሎኔ» ጌይንታኔ፤ ዬና ጌይፃ «ባይዛ» ጌይሢኬ።

12 ቤርታሳ ሜቶ ዋዳ ጋፔኔ፤ ዓካሪ ሃሣ ሜሌ ላምዖ ሜቶ ዋዴ ሙካንዳኔ።

13 ላሃሳ ከኢታንቻሢ ዛያሢ ዋርቃዛ፤ ያኦሲ ቤርታ ዓኣ ዋርቆና ኮሺንቴ ያኦሲም ዒንጎ ቤዘኮ ያይዶ ዛላ ዓኣ፤ ጉራኖ ማላ ባካፓ ዑኡሲ ኬሰካንቴ ታ ዋይዜኔ፤

14 ዬና ዑኡዛ ዛያሢ ዔኪ ዓኣ፤ ላሃሳ ከኢታንቻሢም፡- «ዴኤፖ ዔፕራዲሴ ዋርይዳ ቱኡቴ፤ ያይዶ ከኢታንቻንሢ ቡሌ!» ጌዔኔ።

15 ዬና ኬሎና፤ ዬኖ ዋዶና፤ ዬኖ ዓገናና፤ ዬኖ ሌዖናም ገእጊንቴ ያይዶ ከኢታንቻንሢ ዓሶይዳፓ ዛላኮ ዛላ ማዓ ዓሲ ዋዳንዳጉዲ ቱኡዛፓ ቡሊንቴኔ።

16 ፓራሢና ያላ ዓሶኮ ሚርጌማ ዲቢ ሺያና ፓይዲንታያ ኮሺ ዲቢታሢ ፓይዶ ታ ዔያቶኮ ዋይዜኔ።

17 ፓራሢና ፓራሢ ቶጊ ዓኣ ዓሶና ያኦሲ ታና ዳዌም ታኣኒ ዛጋንቴ ያዲኬ፡- ዳዳ ዔያቶኮ ያሎሮ ዔያታ ማኣዔ ባካ ታሚጉዲ ዘቁ ሃሣ ጮልዔ ገንሣ ጨኢጮ ቡኒጉዲ ጋላፒኬ፤ ፓሮንሢኮ ቶኦካ ዘቢ ቶኦኪ ማላያ፡ ዔያቶኮ ዳንጋፓ ታሚና ጨቢና ዓንሢ ዲኢሊጉዴ ዲኢሊያ ኬሰካኔ፤

18 ዔያቶኮ ዳንጋፓ ኬሰኪ «ባይዘም» ጎዖና ባኮና ጌይፃ፡- ታምና ጨቦና ሃሣ ዲኢሎና ዓሶኮ ዛላኮ ዛላ ገንሢ ማዓያ ቢያ ዋዴኔ።

9:7 ዓ.ዩ. 2:4። 9:8 ዓ.ዩ. 1:16። 9:9 ዓ.ዩ. 2:5። 9:13 ኬሲ. ማፃ 30:1-3።

19 ፓርግሢኮ ዋልቃ ዔያቶኮ ደንጎና ዑንኮናይዳኬ፤ ዑንካ ዔያቶኮ ሾኦሺ ማላኔ፤ ሃሣ ሾኦሺ ቶኦኪጉዳ ቶኦኪ ዔያቶኮ ዓኣኔ፤ ዓሳ ዔያታ ሜታሲ ዋዳሢ ዴያናኬ።

20 ዴንሢ «ባይዘም» ጌይንቴ ባኮንሢ ዋዳዋንቴ ዓቴ ዓሳ ፔኤኮ ማዴ ፑርቶ ማዶ ቡኡዲ ሃሺባኣሴ፤ ዴይያ፡- ፃላሄንታ ዋርቄይዳፓ፡ ቢራ ዓንጊዳፓ፡ ሞኦኖ ዓንጋፓ፡ ሹቺፓ ሃሣ ሚሢፓ ኮሺንቴያ፡ ዛጋኒያ ዋይዛኒያ፤ ሃሣ ዓጊዲ ሃንታኒያ ዳንዳዑዋ ካኣሸኮ ባኮንታ ዔያታ ካኣሸኪያ ሃሺባኣሴ ጌይሢኬ።

21 ዴያጉዲ ሃሣ ሹምፖ ዋዳሢ፡ ማርሻ ማርሺሢ፡ ማቾ ሃሣ ዓኒ ማዒባኣያና ላሂሢ፡ ዉሱሞ፤ ዴያ ባኮ ዔያታ ቡኡዲ ሃሺባኣሴ ጌይሢኬ።

10

ኪኢታንቻሢና ዳኮ ማሪንቴ ማፃኣፔሎና

1 ዴካፓ ሃሣ ሻኣሬ ማይንቴያ፡ ሜሌ ዴኤፒ ኪኢታንቻ ጫሪንጫፓ ኬዳንቴ ታ ዴንቄኔ፤ ዒዛኮ ቶኦኮ ዓጮ ሺሬ፡ ዠኡሎ ዓኣኔ፤ ዴያኮ ዓኣፖ ካራ ዓቢጉዴያ፡ ቶካ ዒዛኮ ሃሣ ቱርቴሪጉዲ ዔቄ ታሚ ማላያኬ፤

2 ዒዚ ኩጮይዳ ዳካ ቡሊንቴ ዓኣ፡ ማሪንቴ ማፃኣፔ ዔኪ ዓኣኔ፤ ዒማና ዒ ሚዛቆ ቶኮና ባዘይዳ፡ ሻውሎ ቶኮና ሳፆይዳ ሄርቄ ዔቄ ዓኣኔ፤

3 ሃሣ ዒ ዘቢ ዑኡሲ ማላ፡ ዴኤፒ ዑኡሲና ዒላቴኔ፤ ዒዚ ዒላታዛ ላንካዋ ጉጉንፆንሢ ፔ ዑኡዘና ዑኡዘና ጌሰቴኔ።

4 ዴያታ ፔ ዑኡዘና ጌሰቴ ዋዶና ታኣኒ ፃኣፓኒ ማሌኔ፤ ጋዓንቴ፡- «ላንካዋ ጉጉንፆንሢ ጌሰቴ ባኮ ዓኣቺ ዓርቄ፤ ፃኣፒፖ» ጋዓ ዑኡሲ ጫሪንጫፓ ታ ዋይኬኔ።

5 ዴካፓ ባዘና ሳፆናይዳ ሄርቄ ዔቄ ዓኣንቴ ታ ዛጌ ኪኢታንቻሢ ፔኤኮ ሚዛቆ ኩጮ ሊካ ጫሪንጫ ባንሢ ዔቄሳፆ፡

6 ዒዚ ናንጊና ናንጋሢ፡ ጫሪንጫና ሳፆና ባዘና ዴያቶይዳ ዓኣ ባኮ ቢያ ማዜ ፆኦዛሢ ሱንፆና ጫኣቄኔ፤ ዒ ጫኣቄሢ፡- «ዓካሪ ማይ ኔጋዓኬ!

7 ጋዓንቴ ላንካሳ ኪኢታንቻሢ ዛያሢ ዋርቃ ኬሎንሢና ፆኦሲም ማዳ፡ ዒዛ ማሊያ ኬኤዛዘንሢም ፔጋሲ ዔርዜ ጎይፆና ዒዛኮ ዓኣሺንቴ ማሊያ ኩማንዳኔ» ጌይኬ።

9:20 ዓይኑ. 115:4-7፤ 135:15-17፤ ዳኣኔ. 5:23። 10:7 ኬሲ. ማፃ 20:11፤ ለሚ. ዋማ 32:40፤ ዳኣኔ. 12:7፤ ዓሞ. 3:7።

8 ዩካፓ ጫሪንጫፓ ታዋይዜ ዑኡዛ:- «ባዘና ሳዖናይዳ ሄርቁ ዔቁ ዓኣ ከኢታንቻሢ ፔ ኩጫ ዔኩኔ፡ ቡሊንቲ ዓኣ፡ ማሪንቴ ማፃኣፔሎ ዴንዲ ዔኩ» ገይ ላሚ ሃሣ ታኣም ከኤዜኔ።

9 ዩማና ታኣኒ ከኢታንቻሢ ባንሢ ዓኣዲ:- «ዳኮ፡ ማሪንቴ ማፃኣፔሎ ታኣም ዒንገ» ጋዓዛ፡ ዒዚያ:- «ዔኪጋፓ፡ ዒዛ ሙዔ፤ ጎጾም ዒዛ ኔኤኮ ጫንቃንዳኔ፤ ዳንጋ ኔኤኮ ጋዓንቴ ዔኤሲጉዲ ዓኣፃንዳኔ» ታኣም ገዔኔ።

10 ታኣኒ ዳኮ፡ ማሪንቴ ማፃኣፔሎ ከኢታንቻሢ ኩጫፓ ዔኪ ሙዓዛ ዳንጋ ታኣም ዔኤሲጉዲ ዓኣፃኔ፤ ገንፃፓ ታኣኮ ጎጾ ዒዛ ጫንቁኔ።

11 ዩካፓ ሃሣ:- «ሚርጌ ዓሶ ዜርፆ ዛሎ፡ ዲማ ዲማ ዴርና ዲማ ሙኡጮ ጌሰታ ዓሶና ካኣቶና ዛሎ ላሚ ሃሣ ጽሑሲ ማለሢ ከኤዛንዳያ ኔና ኮይሳኔ» ታኣም ገይንቴኔ።

11

ለምፃ ማርካ

1 ዩካፓ ጾድሱሞና ዳልጉሞና ሃሣ ዔጾና ዋርቆያ ዎኦሺ ማላ ሚሢ ታኣም ዒንገንታዖ:- «ዓኣዲ፡ ጾኦሲኮ ጌኤዢ ማኣርና ጾኦሲም ዒንገዪ ዒንጎ ቤዘና ዋርቁ፤ ሃሣ ዒኢካ ካኣሸካ ዓሶዎ ፓይዴ፤

2 ጌኤዢ ማኣርኮ ዙላ ዓኣ ጾኦኮ ጋዓንቴ ዋርቁፖ፡ ሃሺ፤ ዩይ:- ሜሌ ዴሮም ዒንገንቴ ቤሲኩ፤ ዔያታ ጾኦሲም ዲማዴ ካታሜሎ ጾይዲታሚ ላምፃ ዓገኒ ጉቤ ባሺ ዎይሣንዳኔ፤

3 ላምፃ ታኣኮ ማርኮንሢ ሲዬ ፓቲሌ ማይንቲ ፔቴ ሺያና ላምፃ ዩኤታና ላሂታሚ ከሊ ታ ማለሢ ከኤዛንዳጉዲ ዎልቁ ታ ዔያቶም ዒንጋንዳኔ» ገይንቴኔ።

4 ዩንሢ ማርኮንሢ ሳዖይዳ ጎዳ ቤርታ ዔቃ፡ ላምፃ ሪሚቶ ሚፃንሢና ላምፃ ፖዖ ጌሃ ሻርኖንሢናኩ፤

5 ጾኦኒያ ዔያቶ ማኣሳንሢ ማሌቶ ታሚ ዔያቶ ዳንጋፓ ከሰኪ ዩያቶ ሚቻንዳኔ፤ ዔያቶ ማኣሳንሢ ኮዓሢ ቢያ ሃይቃንዳ ጎይፃ ዩያይዲኩ።

6 ዔያታ ታ ማለዖ ከኤዛ ዎድንሢዳ ዒርዚ ዋርቁዎጉዲ ጫሪንጫ ዲርቃኒ ዔያቶኮ ቢታንቶ ዓኣኔ፤ ዩያጉዲ ዎኣፃ ሱጉሢ ማሂ ላኣማኒ ኮዔ ዎድና ቢያ ዓይጎ ባኣዚናኣ ማፃም ሳዖ ባይዛንዳ ባኣዚና ጳርቃኒ ቢታንቶ ዔያቶኮ ዓኣኔ።

10:10 ዒዝ. 2:8-33። 11:1 ሂዚ. 40:3፤ ዛካ. 2:1-2። 11:2 ሉቃ. 21:24።
11:4 ዛካ. 4:3፤11-14። 11:6 1ካኣቶ. ማ 17:1፤ ኬሲ. ማፃ 7:17-19፤ 1ሳሙ. 4:8።

7 ዔያታ ፔኤኮ ማርካቶ ጋፒሴሢኮ ጊንፃ ጳኤፖ፣ ዒጊቻ ዔያታ ኬሰካንዳ ሰዓሢ ዔያቶና ያልቲ ባሻንዳኔ፤ ዋዲያ ዔያቶ ዋዲንዳኔ።

8 ሌዛ ዔያቶኮ ኮኦኪንሢና ሶዶኦሜ፣ ሃሣ ጊብፂ ጌይንታ ጳኤፖ ካታሜሎኮ ዓሳ ቡካ ጳኦካ ኬኤሪንታንዳኔ፤ ዬና ካታሜላ ዔያቶኮ ጎዳሢ ሱዲንቴ ካታሜሎኬ።

9 ዲማ ዲማ ዜርፃፓ፣ ቶኦካፓ ሃሣ ዲማ ዲማ ሙኡቹ ጌሰታ ዓሶና ዴርናይዳፓ ማዔ ዓሳ ሃይሃ ኬሊና ዛላና ማዓንዳኦና ሌዛ ዔያቶኮ ዒኦካካ ዓኦንቴ ዛጋንዳኔ፤ ሌዛ ዔያቶኮ ዲኤኪንቴዋጉዲ ላኦጊንታያ ማዓንዳኔ፤

10 ዬንሢ፣ ላምዖ፣ ያኦሲ ማሊያ ኬኤዛዘንሢ ሳይይዳ ናንጋ ዓሶ ሜታሱሢሮ ሳይይዳ ናንጋ ዓሳ ዔያታ ሃይቄሢሮ ዋዛዳንዳኔ፤ ዬያ ዋዛፓ ዔቄያና ዔያቶኮ ሃይሶ ኬሎ ቦንቾ ኬሊ ማሂ፣ ዋሊም ዒንጎ ባኦዚያ ዒንጋንዳኔ፤

11 ሃይሃ ኬሊና ዛላና ማዔሢኮ ጊንፃ ጋዓንቴ ሸምፖ ዒንጋ፣ ያኦሲኮ ዑኡዛ ያኦሲዳፓ ሙኪ ሌዛ ዔያቶኮ ጌሌም፣ ዔያታ ዔቄሢሮ ዔያቶ ካጌ ዓሳ ሚርጌና ዒጊጩኔ።

12 ዬካፓ ላምዖ ያኦሲ ማሊያ ኬኤዛዘንሢ፡- «ሃንጋ ኬሰኩዋቴ!» ጋዓ ጳኤፒ ዑኡሲ ጫሪንጫፓ ዋይዜኔ፤ ዬማና ዔያቶኮ ሞርካ ዔያቶ ካጋ ጎይሣ ዓኦንቴ ቫኦሬና ሌካ ጫሪንጫ ዔያታ ዓኦዴ።

13 ዒማና ሳዓ ሚርጌ ዓጊፃኔ፤ ካታሜሎኮዋ ታጳይዳፓ ፔቴማ ማዓ፣ ቤዛ ቢያ ደዒ ጋፔኔ፤ ዬያይዲ ዓጊፃያና ላንካይ ሺያ ዓሲ ሃይቄኔ፤ ሃይባፓ ዓቴዘንሢ ሚርጌና ዒጊጩ፣ ጫሪንጫ ያኦዛሢ ጋላቲ፣ ቦንቹኔ።

14 ላምዓሳ ሜታሢ ዋዳ ጋፔኔ፤ ሃይሾ ዓካሪ ሃይሣሳ ሜታሢ ዋዳ ዑኬና ዬዓንዳኔ።

ኪኢታንቻሢ ዋርቄ ላንካሳ ዛያሢ

15 ላንካሳ ኪኢታንቻሢ ዛያሢ ዋርቃዛ፣ ጫሪንጫይዳ፡- «ዓጮ ካኦቲማ

ኑ ጎዳሢ ማዔ ያኦዛሢና ዒዛኮ ሜሲሃናም ማዔኔ፤ ዒዚያ ናንጊና ካኦታዳንዳኔ» ጋዓ ጳኤፒ፣ ጳኤፒ ዑኡሲ ዋይዚንቴኔ።

16 ያኦሲ ቤርታ፣ ካኦቲዋ ያይቶይዳ ዴዒ ዓኦ፣ ላማታዋ ያይዶ ጋርቾንሢ ባሊቶና ሳዖ ባንሢ ሂርኪ ጌዒ ጉምዓቲ ያኦሲም ዚጌኔ፤

11:7 ዳኦኔ. 7:7፤21፤ የሃ. ያፕ.ጳ. 13:5-7፤ 17:8። 11:8 ዒ.ሲ. 1:9-10። 11:11 ሂ.ሲ. 37:10። 11:12 2ካኦቶ. ማ 2:11። 11:13 የሃ. ያፕ.ጳ. 6:12፤ 16:18። 11:15 ኬሲ. ማ9 15:18፤ ዳኦኔ. 2:44፤ 7:14፤27።

- 17 ዔያታ ዚጋ ዎድና፡-
 «ሃሢ ዓኣያ ሚናፓ ናጎጋያ
 ቢያ ባኣዚ ዳንዳዓ ጎዳ ማዔ ጾኦዚሃዮ!
 ዴኤፖ ዎልቆ፥ ኔኤር ኔ ማሄሢር
 ሃሃ ኔ ካኣታዳሢርዎ ኔና ኑ ጋላታኔ።
- 18 ሜሌ ዴራ ሚርጌና ዳጋዴኔ፤
 ሃሃ ኔ ዳጋኣ ሙኬኔ፤
 ሃይቄ ዓሰይዳ ኔ ዎጋ ዎዳኣ ሄሌኔ።
 ኔኤም ማዳ፥ ኔ ማሊያ ኬኤዛዘንሢና
 ኔኤም ዲማዴዘንሢና ሱንጾዎ ኔኤኮ ቦንቻዘንሢሃም
 ዳኮና ዴኤፖ ማዔዘንሢናም
 ዔያታ ማዴሢ ዛሎ ማሂ ኔ ዒጎጎንዳ ዎዳ
 ሃሃ ዓጮ ባይዜዘንሢና ኔ ባይዘንዳ ዎዳ ሄሌኔ» ጌዔኔ።
- 19 ዩካፓ ጫሪንጫ ዓኣ፥ ጾኦሲኮ ጌኤዡ ማኣራ ቡለጎታዛ
 ጋርይዳ ዒዛኮ ጫኣቁም ሳኣዲና ዓኣያ ማዒ ጴዴኔ፤ ዩማና
 ዜኤለጎሢ ዜኤለጎሢ፥ ዴኤፒ ዑኡሲ ዎይዚንቴኔ፥ ጉጉንሢያ
 ጉጉንሢ፥ ሳዓኣ ዓጊፄ፥ ዴኤፒ ሻቺያ ኬዴኔ።

12

ላኣሌሎና ዴኤፖ ሾኦዚሃና

- 1 ዩካፓ ዴኤፒ ሃሃ ዲቃሢ ሄርሺሳ ማላታ ጫሪንጫይዳ ጴዴኔ፤
 ዒኣኣ ዓቢ ማኣጾጉዲ ማይንቴ፥ ዓጊኖ ቶኪና ሄርቄ ዔቁ፥ ሃሃ ታጶ
 ላምጾ ዡኣጌ ቦንቻሮ ዓጎ ባኮጉዲ ፔኤኮ ቶኣካ ዓጊንቴ ዓኣ ፔቴ
 ላኣሊሰኬና ጴዴኔ።
- 2 ዒዛ ጎጲና ዓኣያታጾ ሾይቺ ዓርቁም ሜታዲ ዒላቴኔ፤
- 3 ዩያጉዲ ሃሃ ሜሌ ማላታ ማዔ ባኣዚ ጫሪንጫ ዴዴኔ፤
 ዩይያ፡- ላንካይ ቶኣኪና ታጶ ጉራኒና ዓኣ፥ ዴኤፒ ዘቄ ፑኡፒ ሾኦሺ
 ዴዴኔ፤ ዒዚ ቶኣካ ቶኣካ ላንካይ ቦንቻሮ ዓጎ ባኮ ዓጊ ዓኣኔ፤
- 4 ዒዚ ፔኤኮ ዑንኮና ዛላኮ ዛላ ጊንሢ ማዓ ዡኣጎ ቢያ
 ጫሪንጫፓ ጎቺ ዔኪ ሳዓ ኬኤሬኔ፤ ዩካፓ ላኣሌላ ሾዓዛ፥ ናጾ
 ሙዓኒ ላኣሌሎኮ ቤርታ ዔቁኔ፤
- 5 ላኣሌላ ዓጮ ዴር ቢያ ባሺ፥ ዎይሃንዳ ዓቲንቄ ናይ ሾዔኔ፤
 ናዓሢ ጋዓንቴ ሌካ ጾኦሲኮ ካኣቱም ጾይቶ ባንሢ ዔውቴኔ፤

11:18 ዓይኑ. 2:5፤ 110:5፤ 115:13። 11:19 የሃ. ጾፔዳ 8:5፤ 16:18፤ 21።
 12:3 ዳኣኔ. 7:7። 12:4 ዳኣኔ. 8:10። 12:5 ዓሲ. 66:7፤ ዓይኑ. 2:9።

6 ዓማና ላክሌላ ዓሲ ናንጉዋ ደውሎ ዓኣሺንቲ ዓኣዳኔ፤ ዓኣካ ፔቴ ሺያና ላምዎ ጻኤታና ላሂታሚ ኬሊ ኮይሳ ባኣዚ ቢያ ዓንጊ ካፒንታንዳ ቤሲ ጾኦሲ ዒዞም ገኢጊሼኔ።

7 ዩካፓ ጫሪንጮይዳ ያልዚ ዔቄኔ፤ ዓኣካ ሚካዔኤሌ ጌይንታ ከኢታንቻሂና ዒዞም ዓይሂንቲ ማዳ ከኢታንቻ ዳኤጉ ሾኦኣሂና ዒዞኮ ከኢታንቻና ዋላ ያልቲሂ ዓርቄኔ፤

8 ጋዓንቴ ዳኤጉ ሾኦኣሂና ዒዞኮ ከኢታንቻና ባሺንቴኔ፤ ዩማፓ ጫሪንጮ ዔያቶኮ ቤሲ ባይቄኔ።

9 ዳኤጉ ሾኦኣሂ ሊካ ሳዓ ኬኤሪንቴኔ፤ ዩይ፡- ዓሲ ቢያ ዳቢሻሂ፤ ዲያቢሎኦሴ ሃሃ ገንሃ ፃላሄ ጌይንታ ሚናኣ ሾኦኣሂኬ፤ ዒዛና ዋላ ዒዞኮ ከኢታንቻኣ ኬኤሪንቴኔ።

10 ዩካፓ ፔቴ ዳኤፒ ዑኡሲ ጫሪንጮይዳ፡-

«ዓካሪ፥ ዳቂሺሂና ዋልቄና
ሃሃ ካኣቲሞዋ ኑ ያኦዛሂም ማዔኔ፤
ቢታንቶዋ ሚሲሄም ማዔኔ!
ዎይቲ ጌዔቴ ኑ ዒሾንሂና ኑ ሚሾንሂና
ኑ ያኦዛሂ ቤርታ ዋንቴና ሮኦሪና
<ዔያታ ዳቤያኬ> ጌዒ ፑሸካሂ ኬኤሪንቴኔ።»

11 ዔያታ ማራዓሂኮ ሱጉያና
ሃሃ ዔያታ ማርካዳ ማርካቶና
ያሊ ዔያታ ዒዛ ባሼኔ፤

ፔ ሾምፓሂ ሃሃ ዔያታ ሚጪንቲዋዎ
ፔና ሃይቢም ዓኣሂ ዒንጌኔ፤

12 ዩያሮ ጫሪንጮና ዓኣካ ናንጋዘንሂዮ ዎዛዲዋቴ!
ሳዖንታ ባዘንታ ዒንሂም ጋዓንቴ ባዴዔቴ!
ዓይጎሮ ጌዔቴ ዲያቢሎኦሴ ዒ ማዳንዳ ዎዳ ዳካ ሌሊ ዓቲሂ ዔሪ
ዳኤፒ ዳጋና ዒንሂ ባንሂ ኬዴኔ» ጋዓንቴ ታ ዎይዜኔ።

13 ዳኤጉ ሾኦኣሂ ሳዖይዳ ኬኤሪንቴሂ ዛጋዎ ዓቲንቆ ናዓሂ ሾዔ ላክሌሎ ደውሎኔ፤

14 ዩማና ላክሌላ ዓሲ ናንጉዋ ደውሎይዳ ዒዞም ገኢጊሾና ቤዞ ባራኒ ዓኣዳንዳጉዲ ዳኤፒ፤ ኮኣኬ ጋኣሲ ማላ ላምዎ ጋኣሲ ዒዞም ዒንጊንቴኔ፤ ዩይያ፡- ዓኣካ ሾኦኣሂዳፓ ሃኪ ሃይሃ ሌዔና ዛላና ኮይሳ ባኣዚ ዒዞም ዒንጊንቴም ሜታ ባኣያ ናንጋንዳጉዲኬ።

12:7 ዳኣኔ. 10:13፤21፤ 12:1፤ ዪሁ. 9። 12:9 ማኪ. ማዖ 3:1፤ ሉቃ. 10:18።
12:10 ዓዮ. 1:9-11፤ ዛካ. 3:1። 12:14 ዳኣኔ. 7:25፤ 12:7።

15 ለአሌሎ ዲጲ ሙዓንዳጉዲ ሾኦኸሆሂ ዋርዚ ዋኦሂጉዳ፥ ዲቢ ዋኦሂ ዳንጋጋ ኬሲ ለአሌሎ ጊንያ ጮኦሽኬኔ።

16 ሰዓ ጋዓንቴ ለአሌሎ ማኦዲኒ ሾኦከንቴ፥ ዴኤፖ ሾኦኸሆሂ ፔ ዳንጋጋ ኬሲ ለአሌ ዋኦኖ ዑሽኬኔ።

17 ዒማና ሾኦኸሆሂ ለአሌሎይዳ ዳጋዲ ያኦሲ ዓይሂያ ካጋዞንሂና ዩሱሴም ጉሙርቁንታያ ማዒ ማርካዳ፥ ዒዞ ዜርፃጋ ባቴዞንሂና ያልታኒ ዓኣዳኔ።

18 ዴኤፖ ሾኦኸሆሂ ባዞ ዓጫ ዓኣ፥ ማኦሻላ ዔቁኔ።

13

ባዞና ሳዖናጋ ኬሰኬ ላምዖ ቦዖንሂ

1 ዩካጋ ፔቴ ቦዖ ባዞጋ ኬሰካንቴ ታ ዛጌኔ፤ ዩያኮ ታጳ ጉራኒና ለንካይ ቶኦከና ዓኣያ ማዓዛ፥ ዒዛኮ ጉራኖይዳ ታጳ ቦንቾር ዓጎ ባካ ባጊንጉቴ ዓኣኔ፤ ሃሃ ዒዛኮ ቶኦኮንሂዳ ጫሺ ሱንሂ ፃኣጊንጉቴ ዓኣኔ።

2 ዩይ ታ ዛጌ ቦዓሂ ማኦኪ ማላያኬ፤ ቶካ ዒዛኮ ጋዓንቴ ጉዳሪ ማላ «ዲቤ» ጌይንታ ቦዖ ቶኪ ማላያ፥ ዳንጋ ሃሃ ዒዛኮ ዘቢ ዳንጋ ማላያኬ። ዴኤፖ ሾኦኸሆሂ ፔኤኮ ዋልቆና ፔኤኮ ካኦቱም ያይቶ ሃሃ ዴኤፖ ቢታንቶዋ ዩያ ቦዓሂም ዒንጌኔ።

3 ዒዛ ቶኦኮኮ ፔቴማይዳ ዋዳንዳያ ማላ ከሂ ዓኣያ ታ ዛጌኔ። ጋዓንቴ ዩይ ከፃ ፓፃም፥ ዓጮ ዓጎ ቢያ ዲቃቴ ሄርሺ ሄርሺ ዒዛ ጊንያ ዓኣዳኔ።

4 ቦዓሂም ዒዚ ቢታንቶ ዒንጌሂሮ ዓጎ ቢያ ዴኤፖ ሾኦኸሆሂም ዘጌኔ፤ ዔያታ ዚጋሂ፡- «ቦዓሂጉዲ ማዓንዳይ ያናዳይ? ዒዛና ዋላ ያልታንዳሂ ያናዳይ?» ጌዒ ጌዒኬ።

5 ያቶርቁ ጌሰታንዳያና ጫሺ ጫሽካንዳ ዳንጋ ቦዓሂም ዒንጊንጉቴ፤ ሃሃ ያይዲታሚ ላምዖ ባጊኒያ ዒዚ ቢታንቶና ማዳንዳጉዲ ዒዛም ዓይሂንጉቴ።

6 ዒዚ ያኦሲንታ ያኦሲ ሱንፆንታ ያኦሲ ናንጋ ቤዞንታ ሃሃ ጫሪንጫ ናንጋዞንሂያ ጫሽከሂ ዓርቁኔ።

7 ያኦሲም ዲማዴ ዓሶ ዒ ያላንዳጉዲና ያሊያ ባሻንዳ ቢታንቶ ዒዛም ዒንጊንጉቴ። ዲማ ዲማ ዜርፆ፥ ቶኦኮ፥ ዲማ ሙኡቺ ጌሰታ ዓሶ፥ ዲማ ዲማ ዳር ዑፃ ቢታንቶ ዒዛም ዒንጊንጉቴ።

13:1 ዳኣኔ. 7:3፤ የሃ. ያፔዳ 17:3፤7-12። 13:2 ዳኣኔ. 7:4-6። 13:6 ዳኣኔ. 7:8፤25፤ 11:36። 13:7 ዳኣኔ. 7:21።

8 ሳዓ ማዢንቴማፓ ዓርቃዎ ዎድና ማራዓሢኮ ናንጎ ማፃኦፓ ሱንፃ ፃኦፒንቴባኦፓ፡ ሳይይዳ ናንጋ ዓሳ ቢያ ቦዓሢም ዘጊ ካኦሽካንዳኔ።

9 «ዎይዛ ዎይዚ ዓኣይ ዓኣቶ ዎይዘንጎ!

10 ዎኦኒያ ዲዒንታኒ ዓኣይ ዓኣቱ ዲዒንታንዳኔ፤

ጩንቻ ዓፓሮና ሃይቃንዲይ ዓኣቶዎ

ጩንቻና ሃይቃንዳኔ»

ዓካሪ፡ ዎኦሲም ዲማዴ ዓሶኮ ጊቢ ዳንዳዒያና ጉሙርቂያና ዔርታንዲሢ ዬና ዎድናኩ።

11 ዬካፓ ሃሣ ሜሌ ቦዎ ሳዓፓ ኬሰካንቴ ታ ዛጌኔ፤ ዬያኮ ማራይ ጉራኒ ማላ፡ ላምዎ ጉራኒ ዓኣኔ፤ ዒ ጌሰታ ጎይፃ ዴኤፖ ሾኦካሃሢ ጎይፃኩ።

12 ቤርታኦ ቦዓሢ ሱንፃና ጉቤ ቢታንቶ ዓኣያ ማዒ ዒ ማዳኔ፤ ሳዎና ዒኦካ ናንጋ ዓሳ ቢያ ዎዳኒ ዑኩ ኪፃ ፓፄ፡ ቤርታኦ ቦዓሢም ዘጊ ካኦሽካንዳጉዲ ዓሶ ማሄኔ።

13 ዬይ ላምዓሳ ቦዓሢ ዓሶ ቤርታ ጫሪንጫፓ ታሚ ኬይሳንዳያ ሄላንዳኦና ዒዛኮ ዓኣ ቢታንቶና ዴኤፒ ዴኤፒ ማላታ ዳዎኔ።

14 ቤርታኦ ቦዓሢ ሱንፃና ዒ ማዳንዳጉዲ ቢታንቶ ዒዛም ዒንጊንቴያታሢሮ ዒ ዳዎ ማላቶ ዛሎና ሳዓ ናንጋ ዓሶ ቢያ ዳቢሻኔ፤ ሃሣ ጩንቻ ዓፓሮና ኪፃሶናንቴ ዳቄ፡ ቦዓሢኮ ማላታ ማኸንዳጉዲ ዓሶ ዓይሣኔ።

15 ዬያ ቦዓሢም ቤርታኦ ቦዓሢኮ ማላቶም ሾምፖ ዒንጋ ዑኡሲ ዒንጋንዳጉዲ ቢታንቶ ዒንጊንቴኔ፤ ዬይ ቢታንታ ዒንጊንቴሢ ማላታ ጌሰታንዳጉዲና ዬያ ማላቶም ዘጊ ካኦሽኩዎ ዓሳ ሃይቃንዳጉዲ ማሆም ጌይኩ።

16 ዬያጉዲ ሃሣ ዳኮ ማዔቴያ ዴኤፓ፡ ዎርጎጩ ዓሶ ማዔቴያ ማንቆ ዓሳ፡ ማዳሻሢ ማዔቴያ ማዳ ዓሳ ቢያ ፔኤኮ ሚዛቆ ኩጮይዳታቴያ ባሊቶይዳ ማላቶ ጌሣንዳጉዲ ዓሶይዳ ዎልቃዴኔ፤

17 ዬይ ያዲ ማዔሢ ቦዓሢ ሱንፃ ማዔ፡ ማላታ ሃሣ ጊንሣ ፓይዳባኦ ዓይጎ ዓሲያ ዔኤቢ ሻንቻኒና ሻንቃኒያ ዳንዳዑዎጉዲኩ።

18 ዬይ ዔራቶ ኮይሳንኩ፤ ዒኔና ጨንጫ ማዔሢ ቦዓሢኮ ፓይዳ ፓይዲ ዔሮንጎ፤ ዓይጎሮ ጌዔቴ ፓይዳ ዓሲ ፓይዲ ማዔሢሮኩ፤ ዬና ፓይዳ ላሆ ጄኤታና ላሂታሚ ላሆኩ።

14

ማራዓሢንታ ጄኤታና ዎይዲታሚ ዎይዶ ሺዮ ዓሶ

13:8 ዓይኑ. 69:28። 13:10 ዓ.ር. 15:2፤ 43:11።

1 ዩካገ ሃሣ ማራዳሣ ጸዮኔ ዲኮይዳ ዔቁ ዓኣንቴ ታ ዛጌኔ፤ ዒዛና ዋላ ዒዛ ሱንጾና ዒዛኮ ዓዶ ሱጾና ባሊታ ጻኣፒንቴ ዓኣ፣ ጄኤታና ያይዲታሚ ያይዶ ሺያ ዓሲ ዓኣኔ።

2 ዩኖና ጫሪንጮይዳፓ ዴኤፒ ሶኦሪንታ ዋኣሣ ዑኡሲ ሃሣ ዴኤፒ ጉጉንሣ ማላ ዑኡሲ ታ ዋይዜኔ፤ ዩይ ታ ዋይዜ ዑኡዛ ጎኦሎ ዓይናዲ ዋርቃ ዓሳ ጎኦሎ ዋርቃዛ ዋይዚንታ ዑኡዛጉዴያኮ።

3 ካኣቱሞ ያይቶና ያይዶ ባኮንሣና ሃሣ ጋርቾንሣ ሴርታ ዩና ዲቦ ዓሳ ሴርታ ጌይንቴ ሴቁባኣያ፣ ጾኦሲ ቦንቾሞ ማዓ ዓይኑሞ ዓይናዴኔ፤ ዩያ ዓይኑሞ ዓጮ ቢያይዳፓ ሻንቁ፣ ዲማሲ ዔኮና ጄኤታና ያይዲታሚ ያይዶ ሺዮ ዓሶፓ ዓታዛ ሜሌ ጾኦኒያ ዔሪ ጋዓኒ ዳንዳዒባኣሴ።

4 ዩያታ ኩሙሣ ማዔሣረ ላኣሊና ዒኣቲባኣያኮ፤ ዔያታ ማራዳሣ ዓኣዳ ሴዞ ቢያ ዒዛ ገንጾ ዓኣዳያኮ፤ ሃሣ ዔያታ ጾኦሲና ማራዳሣናኮ ቶይዶ ማዓኒ ዓሶ ባኣካፓ ሻንቁ፣ ዲማሲ ዔኮና ዓሶኮ።

5 ዔያታ ለኡዙሞ ለኡቂ ዔራዋያኮ፤ ሃሣ ዔያቶ ቦሃሳ ባኣዚያ ባኣያኮ።

ሃይሣ ጾኦሲ ኪኢታንቾንሣ

6 ዩካገ ሳይዳና ስንጋ ዴርና ዜርጾና ዲማ ሙኡጮ ጌሰታ ዓሶና ዲማ ዲማ ቶኦኮናም ቢያ ስንገና ባይቁዋ ኮዙ ሃይሶ ኬኤዛኒ ኮሺ ሃይሴ ዔኪ ዓኣ፣ ሜሌ ኪኢታንቾ ጫሪንጫ ባራናንቴ ታ ዛጌኔ፤

7 ዩይ ዴኤፒ ዑኡሲና፡- «ጾኦሲ ዒጊጩዋቴ፤ ሃሣ ቦንቾዋቴ፤ ዓይጎር ጌዔቴ ዒዛኮ ዋጎ ዋጎ ዋዳ ሄሌኔ፤ ጫሪንጫና ሳጾና ባዞና ዓልቃ ዋኣጾና ማዜ ጾኦዛሣም ዚጉዋቴ!» ጌዔኔ።

8 ማሌ ላምዓሳ ኪኢታንቾሣ፡- «ፑርታ፣ ዒኣሳ ማዶ ማዲሻ፣ ማሣ ዳጋጾ ዴር ቢያ ዑሹ፣ ዴኤፖ ባብሎኔ ካታሜላ ዶዔኔ! ዶዔኔ!» ጌዒ ጌዒ ሴርታኣ ኪኢታንቾሣ ገንጾ ዓኣዴኔ።

9 ሃይሣጎ ኪኢታንቾሰኬይ ሃሣ ዴኤፒ ዑኡሲና፡- «ቦዓሣና ዒዛኮ ማላቶናም ዚጊ ካኣሸካሣ ሃሣ ማላቶዋ ባሊታታቴያ ኩጮ ዑፃ ዓይሣሣ ቢያ፣

10 ዓይጎ ባኣዚናኣ ሲኢሪንቴባኣ፣ ጾኦሲኮ ጎሪንቶ ዑዙ ዓንጎይዳ ኩንሃና ጎሪንቶ ዳጋጾ ዑዙ ዑሸካንዳኔ፤ ዩያጉዲ ሃሣ ጾኦሲም ዲማዴ ኪኢታንቾና ማራዳሣና ሴርታ ታሚና ታሚ ዒኣሊናይዳ ባጊንቴ ሜታዳንዳኔ፤

14:1 ሂዚ. 9:4፤ የሃ. ጾፔጳ 7:3። 14:5 ሶፖ. 3:13። 14:8 ዒሲ. 21:9፤ ዔር. 51:8፤ የሃ. ጾፔጳ 18:2። 14:10 ዒሲ. 51:17፤ ማዢ. ማፃ 19:24፤ ሂዚ. 38:22።

11 ዔያቶ ሜታሳ ታሞይዳፓ ኬሰካ ጩባ ናንጊና ባይቁዋዎ ጩቢ ዴዓያ ማዓንዳኔ፤ ቦላሢና ዒዛኮ ማላቶናም ዚጊ፣ ዒዛኮ ሱንዖ ማላቶዋ ዔኪ ዓኣዘንሢኮ ቢያ ሮኦሪና ዋንቴና ሃውሾ ባኣያ ማዓንዳኔ» ጌዒ ጌዒ ሃንጎዋቶ ጊንዖ ሃሃ ዓኣዳኔ።

12 ያኦሲ ዓይሢዖ ካፓዘንሢና ዩሱሴም ጉሙርቁንታያ ማዒ፣ ደዳዘንሢኮ ጊቢ ዳንዳዒዓ ዔርታንዳሢ ዒኢካኬ።

13 ዒማና ሃሃ ጩሪንጩይዳፓ፡- « ሃይካፓ ሴካ ጎዳ ዩሱሴር ማዒ ሃይቃዘንሢ ባለቲና ዓኣያኬ» ጌዒ ዓኣፔ» ጋዓ ዑኡሲ ታ ዋይዜኔ። ዓያኖ ጌኤዛ፡- «ሂዮ፣ ዔያቶኮ ማዳ ዔያቶና ዋላ ዓኣዳንዳሢሮ ላቢዓፓ ዔያታ ሃውሻንዳኔ» ጋዓ።

14 ዩካፓ ቦኦሬ ሻኦሬ ታ ዛጌኔ፤ ዒማና ሻኦር ዑዖይዳ ዓሲ ናዓሢ ማላ ዓሲ ዴዒ ዓኣኔ፤ ዒዚ ቶኦኮይዳ ዋርቁና ኮሺንቴ፣ ቦንሻሮ ዓጎ ባኮ ዓጊ ዓኣኔ፤ ኩጩይዳኣ ሃሃ ዓጩ ባኣቺ ዓርቁ ዓኣኔ።

15 ሜሌ ከኢታንቻ ሃሃ ጌኤዙ ማኦሪፓ ኬሰካዖ ሻኦር ዑዓ ዴዒሣም ዴኤፔ ዑኡሲና፡- «ሳዓ ጩኦርንደያጉዲ ካፄኔ፤ ጩኦርንደ ዋዳኣ ሄሌሢሮ ጩኦር ባኣጩና ጩኦሬ» ጋዓዛ።

16 ሻኦር ዑዓ ዴዒ ዓኣሢ ባኣጩ ሳዖ ባንሢ ዳካዛ ሳዓ ጩኦሪንቴኔ። *

17 ዩያጉዲ ሜሌ ከኢታንቻ ሃሃ ጩሪንጩ ዓኣ፣ ጌኤዙ ማኦሪፓ ኬሰካኔ፤ ዒዚያ ዓጩ ባኣቺ ዔኪ ዓኣኔ።

18 ሜሌ ጊንሣ ታሚ ዑዓ ቢታንቶ ዓኣ፣ ከኢታንቻ ያኦሲም ዒንጊ ካኣሽኮ ቤዛፓ ኬሰካዖ፣ ዓጩ ባኣጩ ዔኪ ዓኣ ከኢታንቻሢም፡- «ሳዖይዳ ዓኣ ዋይኖ ዓኣፖኮ ካፄዖ ስያ ዔርዛሢሮ ሳዖይዳፓ ዋይኖ ቲቁ ቲቁ ዔኬ» ጌዒ ዴኤፔ ዑኡሲና ዒላቴኔ።

19 ከኢታንቻሢ ዒማና ባኣጩ ሳዖ ባንሢ ዳኪ ዋይኖኮ ሶዮ ቲቁ ቲቁ ዔኬሰካፓ ያኦሲ ዳጎና ዋይኖ ሄርቁ ጩኡጳ ቤዛ ዓጌኔ።

20 ዩይ ዋይኖ ካታሞኮ ዙላ፣ ዋይኖ ሄርቁ ጩኡጳ ቤዛ፣ ጩኡጳንቴኔ፤ ዩካፓ ኬሰካ ሱጉዓ ሃይሣ ዋዳ ማዓንዳያ ሳዓፓ ዴጊ ጌዔኔ፤ ሃሃ ሱጉዓ ጎዒ ዴንዴ ዖደሱማ ሃይሣ ጼኤታ ሺያ ታኣካ ሄላያ ማዒኔ።

14:11 ዒሲ. 34:10። 14:14 ዳኣኔ. 7:13። 14:15 ዒዪ. 3:13። * 14:16 ሳዓ ጩኦሪንቴኔ፡- ጌጊንቴሢ ጋፐንዖ ዋጎ ኬሎና ከኢታንቻ ሳዖይዳ ዓኣ ዓሶ ዓኪ ያኦሲ ቤርቶ ሺኢሻንዳሢ ዛላ ኬኤዞናያኬ። 14:20 ዒሲ. 63:3፤ ዔቃ. ማ 1:15፤ የሃ. ዖፕዳ 19:15።

15

ጋፒንያ ማዕ ባይዛ ባኮ ዔኪ ዓኣ ኪኢታንቸንሢ

1 ዩካፓ ሜሌ ዴኤፒ ሃሣ ዲቃሢ ሄርቪሳ ማላታ ጫሪንጫ ታ ዛጌኔ፤ ዩይያ፡- ያኦሲ ዳጋ ዔያቶና ኩማያ ማዕ፥ ለንካይ ባይዛ ባኣዚ ዔኪ ዓኣ፥ ለንካይ ኪኢታንቸ ታ ዛጌኔ።

2 ዒማና ሃሣ ታሚ ሲኢሪንቴያ ለማሌኤሽ ባዚ ማላያ ታ ዴንቄኔ፤ ዒኢካ ባዘ ዓጫ ቦዓሢና ቦዓሢኮ ማላቶና ሃሣ ዒዛ ሱንያ ፓይዶ ያሊ ባሽ ዓሳ ዔቂ ዓኣንቴ ታ ዴንቄኔ፤ ዔያታ ያኦሲዳፓ ዒንገንቴ ጎኦላ ዔኪ ዓኣኔ፤

3 ዔያታ ያኦሲም ማዳ፥ ሙሴ ዓይኑሞና ማራዓሢናኮ ዓይኑሞ፡- «ቢያ ባኣዚ ዳንዳዓ ጎዳ ማዕ ያኦዛሢያ! ማዳ ኔኤኮ ዴኤፒ ሃሣ ዲቃሢ ሄርቪሳያኮ፤ ማርጌ ዴሮኮ ካኣታሢያ! ኔኤኮ ጎይፃ ፒዜ ሃሣ ጎኔኮ።

4 ጎዳሢያ! ኔና ዒገጩዋያ ሃሣ ሱንያዋ ኔኤኮ ቦንቹዋይ ያናዳይ? ኔኤኔ ሌሊ ዲማዴያኮ። ኔኤኮ ፒዜ ማዳ ፔጋዲ ዔርቴሢሮ ዲቦ ዴራ ቢያ ሙኪ ኔ ቤርታ ኔኤም ዚጋንዳኔ» ጌዒ ጌዒ ዓይናዳኔ።

5 ዩካፓ ሃሣ ዓፒላና ማዢንቴ፥ ያኦሲም ዲማዴ፥ ጌኤሽ ማኣሪ ጫሪንጫ ቡሊንቴ ዓኣንቴ ታ ዛጌኔ፤

6 ዒማና ለንካዋ ባይዛ ባኮንሢ ዔኪ ዓኣ፥ ለንካይ ኪኢታንቸ ጌኤኮ ማኣራፓ ኬሰኮኔ፤ ዩያታ ዓኣፒዳ ዲካ ቦኦሪ ማኣያ ማይንቴ ዓኣኔ፤ ሃሣ ዲደይዳኣ ዋርቆና ኮሽንቴ ቃልሽ ቴኦቴ ዓኣኔ።

7 ዩናና ያይዶ ባኮንሢዳፓ ፔቴሢ ናንገና ናንጋ ያኦዛሢኮ ዳጋ ኩሚ ዓኣ፥ ዋርቆና ኮሽንቴ ለንካይ ዑሽ ዓንገ ለንካዋ ኪኢታንቸንሢም ዒንጌኔ፤

8 ሃሣ ጌኤኮ ማኣራ ያኦሲኮ ቦንቸና ዋልቆናይዳፓ ኬሰካ ጩቦና ኩሜኔ፤ ለንካዋ ኪኢታንቸንሢኮ ለንካዋ ባይዛ ባኮንሢ ማዲንቴ ኩማንዳያ ሄላንዳኣና ያኣኒያ ጌኤኮ ማኣሮ ጌላኒ ዳንዳዒባኣሴ።

15:3 ኬሲ. ማፃ 15:1። 15:4 ዔር. 10:7፤ ዓይኑ. 86:9። 15:5 ኬሲ. ማፃ 38:21። 15:8 ኬሲ. ማፃ 40:34፤ 1ካኣቶ. ማ 8:10-11፤ 2ያኦሲ. ዓሃኮ 5:13-14፤ ዓሲ. 6:4።

16

ጾሴኩ ዳጋ ኩሜ ለንካዎ ዑዥ ዓንጎ

1 ይካፓ ለንካዎ ኪኢታንቸንህህም ዴኤፒ ዑኡሲና፡- «ዓኣዲዎቴ! ጾሴኩ ዳጋ ኩሜ፡ ዑዥ ዓንጎይዳ ዓኣ ዑዥ ሳጾይዳ ለኣሉዎቴ» ጌኤዥ ማኣራፓ ጋዓንቴ ታ ዋይዘኔ።

2 ዒማና ቤርታሳ ኪኢታንቸህህ ዴንዳጾ፡ ዑዥ ዓንጎይዳ ዓኣ ዑዥ ሳጾይዳ ለኣላዛ ቦዓሂኮ ማላቶ ዔኪ ዓኣ ዓሶና ይያ ማላቶም ዘገ ካኣሽካ ዓሶናይዳ ፑርታ ሜታሳ ኪህ ኬዴ።

3 ለምዓሳ ኪኢታንቸህህ ዑዥ ዓንጎይዳ ዓኣ ዑዥ ባዞ ዋኣጾይዳ ለኣላዛ፡ ዋኣጾ ሃይቄ ዓሲ ሱጉሂጉዲ ካርቴ ሱጉሂ ማዔኔ፤ ባዞይዳ ዓኣ፡ ሽምፔና ናንጋ ባካ ቢያ ሃይቄ።

4 ሃይህሳ ኪኢታንቸህህ ዑዥ ዓንጎይዳ ዓኣ ዑዥ ዎር ዋኣጾንታ ዓልቃ ዋኣጾንታይዳ ለኣላዛ፡ ይይያ ሱጉሂ ማዔኔ፤

5 ይካፓ ዋኣጾ ዑፃ ቢታንታ ዓኣ፡ ኪኢታንቸህህ፡- «ሃህያ ዓኣያ ሚናፓ ናንጋ ዲማዴ ጎዳሂዮ!

ሃያይዲ ኔ ዎጌሂር

ኔኤኒ ዪሎኬ፤

6 ዓሳ ኔኤም ዲማዴዞንሂንታ ኔ ማሊያ ኬኤዛዞንሂያ

ዎዲ ሱጉያ ለኣሌሂር

ኔኤኒ ዔያቶ ሱጉሂ ዑሼኔ፤

ዩይ ዔያቶም ኮይሳያኬ»

ጋዓንቴ ታ ዋይዘኔ።

7 ይያጉዲ ሃህ ጾሴም ዒንገ ካኣሽኮ ቤዞይዳ፡-

«ሂዮ፤ ቢያ ባኣዚ ዳንዳዓ ጎዳ ማዔ ጾኣዛሂዮ!

ኔኤኮ ዎጊፃ ጎኔ፡ ሃህ ፒዜኬ» ጋዓ ዑኡሲ ታ ዋይዘኔ።

8 ጾይዳሳ ኪኢታንቸህህ ዑዥ ዓንጎይዳ ዓኣ ዑዥ ዓባ ለኣላዛ፡ ዓቦም ዓሶ ዓዳ ታሚጉዲ ሚቻንዳ ዎልቄ ዒንገንቴኔ፤

9 ይያር ዓሳ ዴኤፒ ሩኡጲና ሚቸንቴኔ፤ ይንሂሂ ባይዛ ባኮንሂ ዑፃ ቢታንቶ ዓኣ፡ ጾኣዛሂኮ ሱንፃ ዔያታ ጫሽኬኔ፤ ጎም ፔኤኮ ቡኡዲ፡ ዒዛ ቦንቸዎ ዔያታ ዒፃ።

10 ደንጋሳ ኪኢታንቸህህ ዑዥ ዓንጎይዳ ዓኣ ዑዥ ቦዓሂኮ ካኣቱም ጾይቶይዳ ለኣላዛ፡ ቦዓሂኮ ካኣቱማ ዲሚ ማዔኔ፤ ዓሳ ኮሺ ሜታዲ ሜታሂዲፓ ዔቄያና ዒንዲርዞ ፔኤኮ ደዓኔ፤

11 ሃህ ዔያቶኮ ሜታዲያና ኪፃዲያናይዳፓ ዔቄያና ጫሪንጮ ጾኣዛሂ ዔያታ ጫሽኬኔ፤ ዔያታ ማዴ፡ ደቢንቶ ቡኡዲባኣሲ።

16:2 ኬሲ. ማፃ 9:10።

12 ለሃሳ ኪኢታንቻህ 0-ዡር ዓንጎይዳ ዓኣ 0-ዡር ጴኤፖ ዋር።
ዔፕራዊሴይዳ ለኣላዛ ዓባ ኬሰካ ዛላፓ ሙካ ካኣቶም ጎይህ
ማዓንዳጉዲ ዋር ዋኣፃ ሚጨኔ።

13 ጴኤፖ ሸኣዣህ ዳንጎና ቦዓህ ዳንጎና ሃህ ሉኡዙዋና ጾኦሲ
ማሊያ ኬኤዛያ ማሊሳህ ዳንጋፓ ፓንቆ ማላ። ሃይሃ ፑርታ ዓያና
ኬሰካንቲ ታ ዛጌ።

14 ዔያታ ዲማ ዓኪ ባኣዚ ማዳ ፃላሄ ዓያናኬ፤ ዬንህ ሃይሃ
ዓያኖንህ ቢያ ባኮ ዳንዳዓ ጾኣዛህኮ ጴኤፖ ኬሎና ኬሰካንዳ
ጾሎም ዓሶ ቡኩሳኒ ዓጮ ካኣቶ ቢያህ ባንህ ዓኣዳ።

15 «ታኣኒ ሙሲጉዲ ዔሩዋንቲ ዬዓንዳኔ፤ ካሎ ማዑዋጉዲና
ካሉሞዋ ዓሲ ዛጉዋጉዲ ጴጪ ፔኤኮ ማኣዓህ ካፓህ ዓንጀ ዋዛ
ዳንቃንዳ።»

16 ዬንህ ዓያኖንህ ዓጮ ካኣቶ ቢያ ዔብሬ ዓሶ ሙኡቸና
ዓርማጌድኔ ጌይንታ ቤዘይዳ ቡኩሲ ጾሎም ጌኢጊሼ።

17 ለንካሳ ኪኢታንቻህ 0-ዡር ዓንጎይዳ ዓኣ 0-ዡር ዠባርይዳ
ላኣላዛ፤ ጌኤዢ ማኣራ ዓኣ ካኣቲም ቤዛፓ፡- «ዓካሪ ቢያ ባካ
ማዳንቲ ኩሜኔ!» ጋዓ ጴኤፒ ዑኡሲ ዋይዘንቲ።

18 ዓማና ዜኤሊንህ ዜኤሊንህ፤ ጴኤፒ ዑኡሲያ ዋይዘንቲ፤
ጉጉንህ ጉጉንህ ሃህ ሳዓኣ ሚርጌና ዓጊፄ፤ ዬያጉዴ ሳዓ ዓጊዒህ
ዓሲ ማዢንቲማፓ ዓርቃዖ ዓጊዒ ቤቁባኣሴ።

19 ጴኤፖ ካታሜላ ሃይሃ ቤሲ ዲጲ ዲጲ ፓቂንቲ፤ ሜሌ
ዓጮ ዓሶ ካታማኣ ቢያ ደዔ፤ ጾኦሲ ጴኤፖ፤ ባብሎኔ ካታሜሎ
ጳቂህ ዒዛኮ ጴኤፖ ዳጎ 0-ዡር ኩንሃና 0-ዡር ዑሸካንዳጉዲ ዒዘም
ዒንጌ።

20 ዋኣፃ ሳዛ ዓኣ ዓጫ ዓኣዲ ባይቄ፤ ሃህ ዲካኣ ቢያ ዓኣ ቤዛፓ
ባይቄ።

21 ዴኤሠማ ፔቲ ጴኤፒ ዋንህ ሹቸጉዴ ሻቸ ጫሪንጫፓ
ዓሶይዳ ኬዳ፤ ዬይ ባይዘም ዳኪንቲ ባካ ሚርጌ ካራ ባይዚ
ሜታሴያ ማዔህረ ዓሳ ጾኦሲ ጫሽኬ።

17

ዘኣሰካ ኮኦማ ላኣሊ

16:15 ማቲ. 24:43-44፤ ሉቃ. 12:30-40፤ ዮሃ. ጾፕዳ 3:3። 16:16 2ካኣቶ.
ማ 23:29፤ ዛካ. 12:11። 16:18 ዮሃ. ጾፕዳ 8:5፤ 11:13፤ 19። 16:19 ዒሲ.
51:17። 16:20 ዮሃ. ጾፕዳ 6:14። 16:21 ኬሲ. ማፃ 9:23፤ ዮሃ. ጾፕዳ 11:19።

1 ለንካዎ ዑዦ ሳንጎ ዔኪ ዓኣ፡ ለንካዎ ኪኢታንቸንሢፓ ፔቴይ ታ ባንሢ ሙካዎ ታኣም፡- «ሃኒ ሙኩ፤ ሚርጌ ዋኣዎ ዑፃ ዳዒ ዓኣ፡ ዘኣዛ ኮኦማ ለኣሌሎም ዒንጊንታንዳ ሜታሢ ታ ኔና ዳዋንዳ፤

2 ዓጮ ካኣታ ዒዞና ዋላ ዘኣዛ ኮኦሜ፤ ሃሣ ዓጮይዳ ናንጋ ዓሳ ዒዞኮ ዬያ ፑርቶ ሱኡኮ ማዶ ዑዦና ማሢንቴ።» ጌዔ።።

3 ዩካፓ ኪኢታንቸሢ ዓያና ጌኤሺ ማሊያይዳ ታና ጌልዚ፡ ዓሲ ናንጉዋ ዳውሎ ዔኪ ዓኣዴ፤ ዒኢካ ጫሺ ዑፃይዳ ቢያ ፃኣፒንቴ ዓኣ፡ ለንካይ ቶኦኪና ታጾ ጉራኒና ዓኣ፡ ዘቄ ቦፃሰኬያኮ ዑፃ ዳዒ ዓኣ ፔቴ ላኣሊ ታ ዴንቄ።።

4 ለኣሌላ ጮልዔ ዲንኪ ማኣዖና ዘቄ ማኣዖና ማይንቴ ዓኣ፤ ጊንሣ ዋርቄና ዲማ ዲማ ሚዛጾ ሹጮና ፓልሚንቴ ዓኣ፤ ኩጮይዳ ሃሣ ዒዞ ሻኣካ ባኣዚና ዒዞኮ ፑርቶ ሱኡኮ ማዶና ኩሚያ፡ ዋርቄና ኮሺንቴ ዑሺ ዓንጊ ዔኪ ዓኣ።።

5 ዒዞኮ ባሊቶይዳ፡ «ዘኣዛ ኮኦማ ዓሶና ዓጮይዳ ፑርቶ፡ ዒኢቲ ማዶናኮ ዒንዶ ማዔ ዴኤፖ ካታሜሎ ባብሎ።» ጌይንታዎ ዓኣሺንታያ፡ ዔርቱዋ ሱንሢ ፃኣፒንቴ ዓኣ።።

6 ዬና ለኣሌላ ጽሑፊም ዲማዴ ዓሶኮ ሱጉያና ዬሱሰ ኪሪሰቶሴ ዘሎ ማርካዳ ዓሶኮ ሱጉያና ማሢንቴ ዓኣንቴ ታ ዛጌ፤ ታ ዒዞ ዴንቃዎ ሚርጌና ዲቃቲ ሄርሼ።።

7 ኪኢታንቸሢ ጋዓንቴ ታኣም፡- «ዓይጎሮ ኔ ዲቃቲ ሄርሻይ? ለኣሌሎና ዒዞ ዳዒ ዓኣ፡ ለንካዎ ቶኦኪና ታጾ ጉራኒና ዓኣ ቦዓሢናኮ ዓኣሺንታያ ማዔ ዔርቱዋ ባኮ ታ ኔኤም ጋፒሲ ኬኤዛንዳ፤

8 ኔኤኒ ዛጌ ቦዓሢ ቤርታ ዓኣያኬ፤ ሃሢ ጋዓንቴ ባኣሴ፤ ሃጊ ዴኤፖ፡ ዒጊቻ ዔቶይዳፓ ኬሰኪ ባይቆሮ ዓኣዳንዳ፤ ዒማና ሳዓ ማዢንቴማፓ ዓርቃዎ ሱንፃ ናንጎ ማፃኣፖይዳ ፃኣፒንቴባኣያ፡ ሳፆይዳ ናንጋ ዓሳ፡- ቦዓሢ ቤርታ ዓኣያ፤ ሃሢ ጋዓንቴ ባኣያ ጊንፃፓ ሙካንዳያታሢ ዛጋዎ ዲቃቲ ሄርሻንዳ።።»

9 «ዔሪ ማላ ዒኔና ዓኣያ ማዓኒ ኮይሳሢ ዒማናኬ፤ ለኣሌላ ዳዒ ዓኣ ቶኦኪንሢ ለንካይ ዲካኬ፤

10 ዔያታ ለንካይ ካኣቶኬ፤ ዔያቶይዳፓ ዶንጋሢ ሎኦሜ፤ ፔቴሢ ሃሢ ዓኣ፤ ባጋሢ ጋዓንቴ ሃጊ ሙኪባኣሴ፤ ዒ ሙካዎ ካኣታዲ ዳዓኒ ኮይሳሢ ዳካ ዋዴሮ ሌሊኬ።።

11 ቤርታ ዓኣያ፡ ሃሢባኣ ቦዓሢ ሳላሳ ካኣታሢኬ፤ ዒዚ ለንካዎ ካኣቶንሢ ፔቴሢኬ፤ ዒዚያ ባይቆሮ ዓኣዳ።።»

17:1 ዔር. 51:13። 17:2 ዓሲ. 23:17፤ ዔር. 51:7። 17:3 የሃ. ፆፔዳ 13:1። 17:4 ዔር. 51:7። 17:8 ዳኣኔ. 7:7፤ የሃ. ፆፔዳ 11:7፤ ዓይኑ. 69:28።

12 «ኔኔኒ ዛጌ ታጾ ጉራና ሃጊ ካኣታዲባኣ፣ ታጾ ካኣቶኬ፤ ጋባንቴ ኮሺ ዲካ ዎዴ ቦባሢና ዎላ ካኣታዲንዳ ቢታንቶ ዔያታ ዴንቃንዳኔ።

13 ዩንሢ ካኣቶንሢኮ ማሊፃ ፔቴኬ፤ ዔያታ ፔኤኮ ዎልቆና ቢታንቶና ቦባሢም ቢንጋንዳኔ፤

14 ዩያታ ማራባሢና ዎላ ያልታንዳኔ፤ ጋባንቴ ማራባሢ ጎዳቶኮ ጎዳ ሃሣ ካኣቶኮዎ ካኣቲ ማባሢሮ ያሎና ዔያቶ ባሻንዳኔ፤ ቢዛና ዎላ ባኣ፣ ዔኤሊንቴዘንሢንታ ደኦሪንቴዘንሢንታ ሃሣ ጉሙርቁንታዘንሢንታ ያሎና ባሻያ ማባንዳኔ» ጌዔኔ።

15 ሃሣ ከኢታንቻሢ ታኣም፡- «ዘኣዛ ኮኦማ ላኣሌላ ዴቢ ባኣንቴ ኔ ዛጌ ዎኣፃ ዴማ ዴማ ዜርሢ፣ ቶኦኪ፣ ዴሬ ሃሣ ዴማ ሙኡቺ ጌሰታ ዲቢ ባሲኬ፤

16 ቦባሢና ኔ ዛጌ ታጾ ጉራኖንሢና ዩኖ ዘኣዛ ኮኦማ ላኣሌሎ ባዲ፣ ጉሪ ካሎ ባዲ ዳይሳንዳኔ፤ ባዲኮ ባሸኮዎ ሙባ፣ ታሚና ባዲ ዔያታ ሚቻንዳኔ።

17 ያኦሲ ፔኤኮ ማሊፃ ዔያታ ኩንሣንዳጉዲ ዩያ ዔያቶ ባዲይዳ ጌሣኔ፤ ባይጎር ጌዔቴ ያኦሲ ቃኣላ ማዲንቲ ኩማንዳያ ሄላንዳኣና ዔያታ ፔቴ ማሊሢና ዎላ ጊኢጊ፣ ዔያቶኮ ካኣቱዎ ቢታንቶ ቦባሢም ቢንጋንዳጉዲኬ።

18 «ዩና ኔ ዛጌ ላኣሌላ ባጮ ካኣቶ ዑፃ ካኣታዲንዳ፣ ዴኤፖ ካታሚሎኬ» ጌዔኔ።

18

ባብሎኔ ካታሞኮ ሎኦሚያ

1 ዩካፓ ሃሣ ዴኤፒ ቢታንቶ ባኣ፣ ሚሌ ከኢታንቻሰኬይ ጫሪንጫፓ ኬዳንዳቴ ታ ዛጌኔ፤ ባዲኮ ቦንቾ ፖያ ሸኤሪፃፓ ዔቁያና ሳባ ፖዔኔ፤

2 ባዲ ዴኤፒ ዑኡሲና፡-
«ዴኤፖ፣ ባብሎኔ ካታሚላ ሎኦሚኔ! ሎኦሚኔ!
ፃላሄኮዎ ናንጊ ቤሲ ማዔኔ!
ሃሣ ፑርቶ ባያኖኮዎ ዎይሢ ቤሲ ማዔኔ፤
ፑርታ ሃሣ ሻኣካያ ማዔ፣ ካፖኮ ቢያ
ዎይሢ ቤሲ ማዔኔ።

3 ዴራ ቢያ ባዲኮ

17:12 ዳኣኔ. 7:24። 18:2 ባሲ. 13:21፤ 21:9፤ ዔር. 50:39፤ 51:8፤ የሃ. ያፔጳ 14:8።

ፑርቶ ሱኡኮ ማዶ ዑዠ ሀሽኬኔ፤
 ዓጮ ካኣታ ዒዛና ዋላ ዘኣዛ ኮኦሜኔ፤
 ሃሃሃ ዓጮይዳ ኮርሞ ኮርማ ዓሳኣ
 ዑሃ ዓኣዳ ዒዛ ሳኣ ናንጊም ጊኢጋያታሂረ ያርጎጩኔ»
 ጌዒ ዒላቴኔ።

4 ሃሃሃ ማሌ ዑኡሲ ጫሪንጫፓ፡-
 «ታ ዳሬዮቴ! ዒዛ ማዳ ጎሞ ዒንሂ ማዳዋጉዲ
 ዒዛም ዓጎና ባይሲንቶና ዒንሂያ ባይቁዋጉዲ፤

ዒዛይዳፓ ኬሰኩዋቴ።
 5 ዓይጎር ጌዔቴ ጎማ ዒዛኮ ኩለንቲ
 ጫሪንጫ ሄሌሂረ

ያኣሲ ዒዛኮ ፑርቱሞ ጳቂሄሂረኬ።
 6 ዒዛ ዒንጌማጉዲ ማሂ ዒንጉዋቴ፤
 ዒዛ ማዳ ማደኮዋ ጳንጩ ዒዛም ማሁዋቴ፤

ዒዛ ሲኢሪ ዒንጌ ዑዠ፣ ጳንጩ ማሂ
 ሲኢሪ ዒዛም ዒንጉዋቴ።
 7 ዒዛ ፔና ቦንቹሲ ሳኣ ናንጊም ጊኢጋያ ማሂማጉዲ
 ዒዛ ማታሲ ያዩሱዋቴ፤

ዒዛ ፔኤኮ ዒኖና፡-
 ታኣኒ ካኣቲ ማዒ ዳዔኔ፤
 ዒኒ ታኣኮ ሃይቁያቱዋሴ፤
 ፔቴታዖ ያዩያ ታ ያዩዋሴ»

ጌዒ ጌዒ ሄርሺንታኔ።
 8 ዩያር ዒዛም ዓጎና ባይሲንታ
 ፔቴ ኬሊ ዒዛ ሄላንዳኔ፤
 ሃይቢና ያዩሂና ናይዚና ዒዛ ሄላንዳኔ፤
 ዒዛይዳ ዋጋ ጎዳ ማዔ ያኣዛሂ ዴኤፒ ማዔሂረ
 ታሚና ዒዛ ሚቹንታንዳኔ»

ጋዓንቲ ታ ዋይዜኔ።
 9 ዒዛና ዋላ ዘኣዛ ኮኦሚ፣ ጊኢጋ ናንጊ ናንጌ፣ ሳዖ ካኣታ ዒዛ
 ሚቹንታ ዋደና ኬሰካ ጩቦ ዛጊ ዒዛር ዒላቲ ዒላቲ ዩኤካንዳኔ።

10 ዔያታ ዒዛይዳ ሄሌ ማታሂ ዛጎ ዒጊጩ፣ ሃኬ ዔቁ፡-
 «ኔኤኒ ሃና ዴኤፖ ካታሜሌ!
 ኔኤኒ ሃና ፑኡፒ ማዔ፣ ባብሎኔ!
 ፑርቶ ዋጋ ኔ ጊዳ ዑኬና ሙኬሂረ

18:3 ዒ.ሲ. 23:17፤ ዔ.ር. 51:7። 18:4 ዒ.ሲ. 48:20፤ ዔ.ር. 50:8፤ 51:6፤ 45።
 18:5 ማኸ. ማፃ 18:20-21፤ ዔ.ር. 51:9። 18:6 ዓይኑ. 137:8፤ ዔ.ር. 50:29።

ባዴዔ ኔና! ባዴዔ ኔና!»

ጋዓንዳኔ።

11 ዔያቶኮ ዋኣዖ ካአሚላ ጫኣኔ ባኮ ሃካፓ ሴካ ሻንቃ ዓሲ ባአሚሮ፣ ሳዖይዳ ኮርሞ ኮርማ ዓሳ ዒዞ ዛሎ ዩኤኪ ዖያንዳኔ፤

12 ዔያታ ዋኣዖ ካአሚሎይዳ ጫኣኔ ባካ፡- ዋርቄ፣ ቢራ ዓንጊ፣ ቦንቸንታ ሹቸ፣ ሚዛጲ ሹቸ፣ ቦኦሬ ሻኣዦ ዓፒላ፣ ጮልዔ ዲንኪ ማእዓ፣ ሱኡፔ ዓፒላ፣ ዘቄ ዓፒላ፣ ቃራ ሳውቃ ደማ ደማ ሚህ፣ ደርሲ ዓቸንታ ሚርጌ ሚኢሹ ዔካ ሚህንታ ሞኦና ዓንጊንታ ማሌ ዓንጎንታ ቦኦሬ ሚዛጲ ሹጮንታይዳፓ ኮሺንቴ ባካ ቢያ፡

13 ሳውቃ ሚህ ቁኡሪ፣ ደማ ደማ ሳውቃ ዴኤሻ፣ ካርቤ፣ ቲሺ፣ ዑንጃ፣ ዎይኖ ዑዣ፣ ሪሚቶ ዛይታ፣ ሺኢቸ ዲኢሊ፣ ዘርጌ፣ ባይ፣ ማራይ፣ ፓራ፣ ሳርጌላ ዖይታ፤ ዩያጉዲ ሃሃ ዓይሎ ማዔ ዓሶንታ ሶሎና ዲዒ ዔኮና ዓሶንታኬ።

14 ዩንህ ኮርሞ ኮርማዞንህ፡- «ኔኤኒ ናሸካ ኮዦ ባካ ቢያ ኔ ጊዳፓ ቤቲ፣ ዴንዴኔ፤ ኔኤኮ ዖርጎቹሞና ፓልሞና ቢያ ባይቄኔ፤ ማይ ዩይ ባካ ኔኤም ጊንህ ጴዳዓኬ» ዒዞም ጋዓኔ።

15 ዩያ ባኮ ዒዞይዳፓ ሻንቄ ኮርሚ ዖርጎጩ ኮርማ ዓሳ ዒዞይዳ ሄሌ ማቶ ዒጊጩሂና ሃኬ ዒዞኮ ዔቃንዳኔ፤ ሃሃ ዔያታ ዒዞ ዛሎ ዩኤኪ ዩኤኪ ዖያንዳኔ፤

16 ዑኡዞዋ ዔያታ ዴጊዲ፡-

«ሻኣዦ ዓፒሎንታ ዲንኮ ዘቄ ዓፒሎንታ ማይንታዞ

ዋርቆና ሚዛጲ ሹጮና ፓልሚንቴዞ

ዴኤፖ፣ ካታሚሎ ባብሎኔም ባዴዔ! ባዴዔ!

17 ዩይ ቆላ ቢያ ኔጉዋዖ ኔኤኮ ባይቄባይ!» ጋዓንዳኔ።

ዋኣዖ ካአሚሎኮ ሱኡጋ ቢያ፣ ዋኣዖ ካአሚሎ ቶጊ ዓኣዳ ዓሳ ቢያ፣ ዋኣዖ ካአሚሎይዳ ማዳ ዓሶንታ ባዞ ዑፃ ሃንቲ ሃንቲ ኮርማ ዓሳ ቢያ ዒዞኮ ሃኬ ዔቃንዳኔ፤

18 ዒዞ ሚቸንታኣና ኬሰካ ጩቦ ዛጋዖ፡- «ሃኖ ዴኤፖ ካታሚሎጉዴያ ማሌ ካታማ ዎካዳይ?» ጌይ ጌይ ዔያታ ዒላቲኔ።

19 ሃሃ ዔያታ ፔኤኮ ቶኦካ ሲላሊ ዋሂ፣ ሶዶ ዩኤኪ ዩኤኪ፡-

«ባዞይዳ ዋኣዖ ካአሚላ ዓኣ ዓሳ ቢያ

ዒዞ ቆሎና ዖርጎጩ ዓሳ

ዴኤፖ ካታሚላ ዑኬና፣ ኔጉዋዖ ባይቄሂር

ባዴዔ! ባዴዔ!

18:10 ሂዚ. 26:16-17። 18:11 ሂዚ. 27:31-36። 18:13 ሂዚ. 27:12፤ 13፤ 22። 18:15 ሂዚ. 27:31፤ 36። 18:17 ዒሲ. 23:14፤ ሂዚ. 27:26-30። 18:18 ሂዚ. 27:32። 18:19 ሂዚ. 27:30-34።

- 20 ጫሪንቸዮ! ዒዛ ባይቆሢረ ዋዛዳ፤
 ዒንሢ ያኦሲም ዲማዳዘንሢረ ያኦሲ ማደም ዳኪንቴዘንሢረ
 ሃሣ ያኦሲ ማሊያ ኬኤዛዘንሢረ ዋዛዳዋቴ፤
 ዓይጎር ጌዔቴ፡-
 ያኦሲ ዒንሢዳ ዒዛ ሄሊሴ ማቶር ጌዒ
 ዒዘ ፑርታና ዋጌኔ» ጌይ ጌይ ዒላቴኔ።
- 21 ዩካፓ ሃሣ ፔቴ ዳኤፒ ኪኢታንቻሰኬይ ፑኤፒ ዋንሢ ሹቸጉዳ
 ሹቸ ዔኪ ባዘይዳ ኬኤራዎ፡- «ዳኤፖ ካታማላ፥ ባብሎኔ ሃኣዲዲ
 ዋልቄና ኬኤሪንታንዳ፤ ሃካፓ ሴካ ዒዛ ጴዳዓኬ፤
- 22 ጎኦሎ ዋርቃ ዓሶንታ ዓይኑም ዓይናዳ ዓሶ ዑኡዛ
 ሹሉንጎንታ ዛያሢንታ ዋርቃ ዓሶ ዑኡዛ
 ላሚ ኔ ጌዳ ማይ ዋይዚንታዓኬ፤
 ዲማ ዲማ ባኣዚ ሃኣማቶና ማዳ ዓይጎ ዓሲያ
 ሃይፓ ሴካ ኔ ጌዳ ጴዳዓኬ፤
 ዋንሢ ዋዲንታያኣ ማይ ኔ ጌዳ ዋይዚንታዓኬ።
- 23 ፖዓ፥ ፖዒያ ኔ ጌዳ
 ሃይፓ ሴካ ፖዓዓኬ፤
 ዔፒ ሃይሴያ ሃይፓ ሴካ ኔ ጌዳ ዋይዚንታዓኬ።
 ኔ ዓጮኮ ኮርሞ ኮርማ ዓሳ
 ዓጮ ቢያይዳ ዔርቴ ዳኤፖ ዓሶኬ፤
 ኔኤኮ ማርሾና ዓሶ ቢያ ኔ ዳቢሼኔ።
- 24 ዒዘይዳ ያኦሲ ማሊያ ኬኤዛዘንሢረ
 ያኦሲም ዲማዳዘንሢረ
 ሳይይዳ ዋዲንቴ ዓሶኮዋ ቢያ ሱጉፃ ዳዳኔ» ጌዔኔ።

19

- 1 ዩካፓ ሚርጌ ዓሲ ዑኡሲ ማላ፥ ዳኤፒ ዑኡሲ ጫሪንጮይዳ፡-
 «ያኦሲም ጋላታ!
 ዳቂሽሢረ ሶንቸና ሃሣ ዋልቄያ ኑ ያኦዛሢረ ማዔኔ፤
- 2 ዒዚ ዋጋ ዋጊፃ ጎኔ፤ ሃሣ ፒዜኬ።።
 ዘኣዛ ኮኦሚያና ሳዎ ዒኢሴ
 ዘኣዛ ኮኦማ ዳኤፔሎ ፑርታና ዒ ዋጌኔ፤
 ዒዘ ፑርታና ዋጊያና

18:20 ላሚ. ዋማ 32:43፤ ዔ.ር. 51:48። 18:21 ዔ.ር. 51:63-64፤ ሂዚ. 26:21።
 18:22 ሂዚ. 26:13፤ ዒ.ሲ. 24:8። 18:23 ዔ.ር. 7:34፤ 25:10። 18:24 ዔ.ር.
 51:49።

ዒዛም ማዳ ዓሶኮ ሱጉያ ማህኔ፤

3 ለሚ ሃሣ

ያኑሲም ጋላታ! ዒዛይዳፓ ጩባ ናንገና ጩቢ ጩቢ ኬሰካኔ»
ጋዓ ዑኡሲ ታ ዋይዘኔ።

4 ዒማና ለማታሚ ያይዶ ጋርቻንሢና ያይዶ ባኮንሢ ካኣቱም ያይታ
ዴዒ ዓኣ፣ ያኣዛሢም ባሊቶና ሳዖ ባንሢ ሂርኪ ጌይ፡-
«ዓኣሜን፤ ያኡሲም ጋላታ!» ጌዒ ጌዒ ዘጌኔ።

ማራዓሢኮ ዔፖ ሙዖ

5 ዩካፓ፡-

«ዒዛ ዒጊጩ፣ ዒዛም ማዳ

ዳኮንታ ጳኤፖንታ ቢያ

ኑ ያኣዛሢ ጋላቱዋቱ!»

ጋዓ ዑኡሲ ካኣቱም ያይታ ዓኣ ቤዛፓ ዋይዘንቴ።

6 ሃሣ ጊንሣ ሚርጌ ዓሲ ዑኡሲ፣ ጳኤፒ ዋታ ዋርዚ ዋኣሢና ጳኤፒ
ጉጉንሢ ዑኡሲ ማላ ዑኡሲ፡-

«ቢያ ባኣዚ ዳንዳዓ ጎዳ ማዔ ያኣዛሢ

ካኣታዳሢ ጋላቱዋቱ!

7 ማራዓሢኮ ዔፓ ሄሌሢ

ዒዛኮ ዑኡቴላ ጊኢጊንቴሢ

ዋዛ ኑም ማዖንጎ፣ ኑ ዋዛደም፤

ቦንቼያ ዒዛ ኑ ቦንቻም።

8 ዓኣፒዳ ዳካያ፣ ጌኤሺ ማዔ

ሻኣኸ ዓፒላ ማይንታንዳጉዲ ዒዛም ዒንጊንቴኔ፤

ዩይ ቦኦሬ ሻኣኸ ዓፒላ ያኡሲም ዲማዴ ዓሶኮ

ዲሉም ማዳኔ» ጋዓንቴ ታ ዋይዘኔ።

9 ኪኢታንቻሢ ሃሣ፡- « ማራዓሢኮ ዔፖ ሙዖም ዔኤለንቴ ዓሳ
ባሊቲና ዓኣያኔ» ጌይ ፃኣፔ» ታኣም ጌዔኔ፤ ሄሊሳዖ ሃሣ፡- «ሃይ
ያኡሲኮ ጎኔ ቃኣላኔ» ጌዔኔ።

10 ታኣኒ ዩያ ኪኢታንቻሢም ዚጋኒ ዒዛ ቶኮ ዴማ ባሊቶና ሂርኪ
ጋዓዛ፣ ዒዚ ጋዓንቴ፡- «ሃሺ! ሃያይዲፖ! ታኣኒያ ኔናንታ ዩሱሴ
ዛሎ ማርካዳ ዒሾንሢንታ ዋላ ማማዳያኔ፤ ያኡሲም ዘጌ።

«ዩሱሴ ፔጋሲ ዳዌ ጎኑማ ያኡሲ ማሊያ ኬኤዛ ዓሶ ዳንጎና ኬኤዛ
ዓያኖኔ» ጌዔኔ።

ቦኦሬ ፓራሢ ቶጊ ዓኣ ዓሢ

19:2 ለሚ. ዋማ 32:43፤ 2ካኣቶ. ማ 9:7። 19:3 ዒሲ. 34:10። 19:5 ዓይኑ.
115:13። 19:6 ሂዚ. 1:24፤ ዓይኑ. 93:1፤ 97:1፤ 99:1። 19:9 ማቲ. 22:2-3።

11 ዩካፓ ጫሪንጫ ቡሊንቴም፡ ዒኢካ ቦኑሬ ፓሮ ታ ዴንቄኔ፤ ፓራሢ ቶጌሢ፡- «ጉሙርቂንታያ ሃሣ ጎኔ ዓሲ» ጌይንታያኬ፤ ዒዚ ዪሉሞና ዋጋያ ሃሣ ያልታያኬ።

12 ዓኣፓ ዒዛኮ ዔኤታ ታሚ ማለኔ፤ ሃሣ ዒዛኮ ቶኦኮይዳ ቦንቸሮ ዓጎ ባካ ሚርጌ ዓገንቲ ዓኣኔ፤ ዒዛይዳፓ ዓታዛ ሜሌ ያኦኒያ ዔሩሞና፡ ፃኣፒንቴ ሱንሢ ዒዛይዳ ዓኣኔ፤

13 ዒዚ ሱጉሢ ሄሊ ፑርቲሴ ማኣያ ማይንቴ ዓኣኔ፤ ዒዛኮ ሱንፃ «ያኦሲ ቃኣላ» ጌይንታያኬ።

14 ዒማና ቦኑሬ ፓሮ ቶጌ፡ ቦኑሬ ጌኤሺ ዓፒላ ማይንቴ፡ ጫሪንጫ ዓኣ ያሎ ዓጎ ዒዛ ገንፆ ዓኣዳኔ፤

15 ሜሌ ዴሮ ያሊ ባሻንዳ ዓጩ፡ ጩንቻ ዓፓሮ ዒዛኮ ዳንጋፓ ኬሰኬኔ፤ ዒዚ ሚጩንቱዋፆ ሄርቂ ዔያቶ ዋይሣንዳኔ፤ ሃሣ ዒዚ ቢያ ባኣዚ ዳንዳዓ ያኦዛሢኮ ዴኤፖ ዳጎና ዋይሮ ሄርቂ ጩኦጶ ቤዛ ዋይሮ ሄርቃንዳኔ፤

16 ዒዛኮ ማኣዓሢና ጉባዘናይዳ፡- «ካኣቶኮ ካኣቲ፡ ጎዳቶኮ ጎዳ» ጋዓ ሱንሢ ፃኣፒንቴ ዓኣኔ።

17 ዩካፓ ሃሣ ፔቲ ያኦሲኮ ከኢታንቻ ዓቦ ዑፃ ዔቂ ዓኣንቴ ታ ዛጌኔ፤ ዒዚ ጫሪንጫይዳ ባራና ካፖም ዴኤፒ ዑኦሲና፡- «ያኦሲ ገኢገሺ፡ ዴኤፖ ሙዖ ሙዓኒ ቡኪንቱዋቲ፤

18 ዒንሢ ቡኪንታሢ ካኣቶ ዓሽኮ፡ ፖኦሊሶ ዓይሣ ዓሶ ዓሽኮ፡ ያሎ ያላ ዶዶ ዓሶ ዓሽኮ፡ ፓራሢ ቶጌ ያላ ዓሶና ፓራሢና ዓሽኮ፡ ዋይሣ ዓሶና ዴማ ማዒ ዋርቃ ዓሶናኮ ዓሽኮ፡ ዳኮ ዓሶና ዴኤፖ ዓሶና ዓሽኮ፤ ዩያጉዲ ዓሲ ቢያኮ ዓሽኮ ሙዓኒኬ» ጌይ ዒላቲኔ።

19 ሃሣ ቦዓሢንታ ሳዖ ካኣቶንታ ፔኤኮ ያላ ዓሶና ዋላ ቦኑሬ ፓራሢ ቶጌሢና ዒዛኮ ያላ ዓሶና ያልታኒ ቡኪንቴ ዓኣንቴ ታ ዛጌኔ፤

20 ጋዓንቴ ቦዓሢ ዓዲንቴኔ፤ ሃሣ ዒዛና ዋላ ዒዛ ቤርታ ዴማ ዴማ ዓኪ ባኣዚ ማዳ፡ ሉኦዙሞና ያኦሲ ማሊያ ኬኤዛሢያ ዓዲንቴኔ፤ ዒዚ ቦዓሢ ማላቶ ዔኪ ዓኣዘንሢና ዩያም ዚጋዘንሢ ዴማ ዴማ ዓኪ ባኣዚ ማዲ ዳዊሢና ዳቢሻኔ፤ ዒማና ዩንሢ ላምፖንሢ ሼምፔና ዓኣ ጎይሣ ዓኣንቴ ዔኤታ ታሞ ባዘይዳ ዓገንቴኔ።

21 ዓቲዘንሢ ሃሣ ቦኑሬ ፓራሢ ቶጌ ዓሢኮ ዳንጋፓ ኬሰካ፡ ጩንቻ ዓፓራ ዋዴኔ፤ ዒማና ካፓ ቢያ ዓሽኮ ዔያቶኮ ሙይ ሚሽኬኔ።

19:11 ሂዚ. 1:1፤ ዓይኑ. 96:13፤ ዒሲ. 11:4። 19:12 ዳኣኔ. 10:6። 19:15 ዓይኑ. 2:9፤ ዒሲ. 63:3፤ ዒዳ. 3:13፤ ዮሃ. ያፔዳ 14:20። 19:18 ሂዚ. 39:17-20። 19:20 ዮሃ. ያፔዳ 13:1-18።

20

ሺዮ ሌዖ ካኣታዳንዶ ካኣቱሞ

1 ዩካፓ ሃሣ ጳኤፖ፣ ዒጊቻ ዔቶ ካሮ ቡሎ ቁልፎና ጳኤፐ ካኒ ቢራታና ዔኪ ዓኣ፣ ከኢታንቸሰኩይ ጫሪንጫፓ ኩዳንቴ ታ ዛጌኔ፤

2 ዒዚ ጳኤፖ ሸኦኸሣ ዓርቂ ሺያ ሌዔ ቱኬኔ፤ ዩይ ጳኤፖ ሸኦኸሣ ዲያቢሎኦኦ፣ ሃሣ ጊንሣ ፃላሄ ጌይንቴ ቤርታኣ ሸኦኸሣኬ፤

3 ዩይ ሺዮ ሌዓ ጋፓንዳያ ሄላንዳኣና ማይ ዳሮ ዳቢሹዋጉዲ ያኦሲኮ ከኢታንቸሣ ዒዛ ጳኤፖ ዒጊቻ ዔታ ዓጊ፣ ካሮ ያኦኒያ ቡሉዋጉዲ ዔርዛ ማላቶና ዓይሣኔ፤ ጋዓንቴ ዩካፓ ዳካ ዎዴም ዒ ቡሊንታንዳያ ኮይሳኔ።

4 ዩካፓ ካኣታ ዳዓ ሚርጌ ያይታ ታ ዳንቄኔ፤ ዩና ያይቶይዳ ዎጌ ዎጋኒ ቢታንቶ ዒንጊንቴ ዓሲ ዳዒ ዳዒ ዓኣንቴ ታ ዛጌኔ፤ ሃሣ ዩሱሴ ዛሎና ያኦሲ ቃኣሎ ኬኤዜሣ ዛሎናሮ ጩንቸ ዓፓሮና ዎዶና ዓሶኮ ሸምፓሣ ታ ዳንቄኔ፤ ዔያታ ቦዓሣና ዒዛኮ ማላቶናም ዚጊባኣያ ሃሣ ዩያ ማላቶ ባሊታ ማዔቴያ ኩጫ ጌሣባኣ ዓሶኬ፤ ዔያታ ሃይባፓ ዔቂ ኪሪሰቶሴና ዎላ ሺያ ሌዔ ካኣታዳንዳኔ።

5 ዓቲ ሃይቄ ዓሳ ጋዓንቴ ዩይ ሺዮ ሌዓ ጋፓንዳያ ሄላንዳኣና ሃይባፓ ዔቂባኣሴ። ዩና ቤርታሳ ሃይባፓ ዔቂያኬ።

6 ቤርታሳ ሃይባፓ ዔቂያ ዔቂያ ዔቂያ ዕንጀ ዎዛ ዓኣያ፣ ሃሣ ያኦሲማኣ ዔያታ ዲማዴያኬ፤ ላምዓሳ ሃይባ ዔያቶ ዎኦታንዳ ባኣዚያ ባኣሴ፤ ዔያታ ያኦሲና ኪሪሰቶሴናኮ ማዳ ቁኤሶ ማዒ፣ ኪሪሰቶሴና ዎላ ሺያ ሌዔ ካኣታዳንዳኔ።

ፃላሄኮ ያሎና ባሺንቲያ

7 ዩና ሺዮ ሌዓ ጋፔሣኮ ጊንፃ ፃላሄ ቱኡዛፓ ቡሊንታንዳኔ፤

8 ዩካፓ ዒ ዓጮ ቢያይዳ ዓኣ፣ ጎኦጌና ማኣጎኦጌ ጌይንታ ዳሮ ዳቢሹ ያልዚሮዋ ዔያቶ ዔኪ ኬሰካንዳኔ፤ ዩያ ዳሮኮ ፓይዳ ባዘ ዓጫ ዓኣ ማኣሻሎጉዲኬ።

9 ዔያታ ዓጮ ቢያ ኬሰኪ ዳንዳዖ ያኦሲም ዲማዴ ዓሳ ናንጋ ጉርዶና ዒዚ ናሽካ ካታሜሎዋ ማንጌኔ፤ ጋዓንቴ ጫሪንጫፓ ታሚ ኬዲ ዔያቶ ሙዔኔ።

10 ዔያቶ ዳቢሹ ፃላሄና ቦዓሣና ሃሣ ሉኡዙሞና ያኦሲ ማሊያ ኬኤዛያ ማላሣ ዓኣ ቤዞ፣ ጂኢሎ ኬሰኪ ዔኤታ ታሞ ባዘይዳ ዔያታ

20:2 ማዢ. ማፃ 3:1። 20:4 ዳኣኔ. 7:9፤22። 20:8 ሂዚ. 7:2፤ 38:2፤ 9፤ 15።

ዓገንጌ፤ ዒሊካ ዔያታ ዋንቶንታ ርኦርንታ ናንገና ጋፑዋ ማቶ ናንገ ናንጋንዳ።

ጋፒንጾ ዋጎ

11 ዬካፓ ቦኦሬ፣ ዴኤፒ፣ ካኦቱዋ ያይታና ዬያ ያይቶይዳ ዴዒ ዓኣ ዓሲ ታ ዴንቄ፤ ዒማና ሳዖና ጫሪንጮና ዒዛ ቤርታፓ ዓኣሺንጌ፤ ቤሲያ ዔያቶኮ ጴዲባኣሴ፤

12 ዴኤፓንታ ዳኮንታ ማዔ፣ ሃይቄ ዓሳ ካኦቱዋ ያይቶ ቤርታ ዔቄ ዓኣንጌ ታ ዛጌ፤ ዒማና ማፃኣፔ ቡሊንጌ፤ ሜሌ ናንገ ማፃኣፔ ማዔ፣ ማፃኣፔያ ቡሊንጌ፤ ሃይቄ ዓሳ ዒማና ማፃኣፔያ ዳኣፒንጌ ታ፣ ፔኤኮ ማዶ ጎይጾ ዋጎ ዔኬ።

13 ባዘይዳ ጌሊ ሙይንጌ ሃይቄ ዓሳ ባዛ ኬሲ ዒንጌ፤ ሃይቢንታ ሃይቄ ዓሳ ናንጋ ቤዘንታ ዔያቶ ኮይላ ዓኣ ሃይቄ ዓሳ ኬሲ ኬሲ ዒንጌ፤ ዬያይዲ ፔቴ ፔቴ ዓሳ ፔኤኮ ማዶ ጎይጾ ዋጎ ዔኬ።

14 ዬካፓ ሃይቢንታ ሃይቄ ዓሳ ናንጋ ቤዘንታ ታዋ ባዘይዳ ዓገንጌ፤ ዬይ ታዋ ባዛ ላምዓሳ ሃይቦኬ፤

15 ሱንፃ ናንጎ ማፃኣፓ ዳኣፒንጌ ጴዲባኣሢ ቢያ ታዋ ባዘይዳ ዓገንጌ።

21

ዓኪ ጫሪንቹና ዓኪ ሳዖና

1 ዬካፓ ዓኪ ጫሪንቹና ዓኪ ሳዖና ታ ዛጌ፤ ዋይቲ ጌዔቴ ቤርታኣ ጫሪንጮና ቤርታኣ ሳዖና ባይቄሢሮኬ፤ ባዚያ ባኣያ ማዔ።

2 ጾኦሲም ዲማዴ ካታሚላ፣ ዓኮ ዬሩሳላሚ ዓኒም ሎዒኒ ፓልሚ፣ ጌኢገንጌያ ማዒ ጾኦሲ ኮይሎ ጫሪንጫፓ ኬዳንጌ ታ ዛጌ፤

3 ካኦቱዋ ያይታ ዓኣ ቤዛፓ፡- «ጾኦሲኮ ዋይጾ ቤዛ ዓሶ ባኣካኬ፤ ዒዚያ ዔያቶና ዋላ ናንጋንዳ፤ ዔያታ ዒዛ ዓሲ ማዓንዳ፤ ጾኦሲ ፔ ቶኦኪና ዔያቶና ዋላ ማዓንዳ፤ ጾኦሚያ ዔያቶኮ ዒዛ ማዓንዳ፤

4 ሃሣ ዓቢያ ቢያ ዔያቶኮ ዓኣፓፓ ዒ ዑጫንዳ፤ ሃይቢ ማዔቴያ ጾዒሢ፣ ዬኤፒ ማዔቴያ ሜታ ማይ ዔያቶኮ ባኣሴ፤ ዓይጎር ጌዔቴ ቤርታኣ ባካ ቢያ ዓኣዴ።» ዴኤፒ ዑኡሲና ጋዓንጌ ታ ዋይዘ።

5 ዒማና ካኦቱዋ ያይቶይዳ ዴዒሢ፡- «ዓካሪ፣ ታ ቢያ ባኮ ዓካሳንዳ።» ጌዔ፤ ዬካፓ ሃሣ፡- «ሃይ ቃኣላ ጉሙርቄንታያ፤ ጌንሣ ጎፔ ማዔሢር ፃኣፔ» ታኣም ጌዔ።

20:12 ዳኣኔ. 7:9-10፣ **21:1** ዒሲ. 65:17፤ 66:22፤ 28፩. 3:13። **21:2** ዒሲ. 52:1፤ 61:10፤ የሃ. ጾፔጳ 3:12። **21:3** ሃዚ. 37:27፤ ሌዋ. ዓኬ 26:11-12። **21:4** ዒሲ. 25:8፤ 35:10፤ 65:19።

6 ሃሣ ዒዚ:- «ዓካሪ ቢያ ባካ ጋፔኔ! ዔኤቢኮ ቢያ ዓርቃሢና ጋፔሳሢና ታናኩ፤ ዴኤቢንቴሢም ናንጎ ዋኣጾይዳፓ ጪጎ ባኣዚ ባኣንቴ፡ ጉሪ ታ ዒንጋንዳኔ፤

7 ጾሎና ባሼሢ ዬያ ቢያ ዴንቃንዳኔ፤ ታ ዒዛኮ ጾኦሲ ማዓንዳኔ፤ ዒ ታኣኮ ናጾ ማዓንዳኔ፤

8 ጋዓንቴ ዒጊጫ ዓሳ፡ ጉሙርቁዋ ዓሳ፡ ዒኢቴያ ማዔ ፑርቶ ዓሳ፡ ዓሶ ዋዳ ዓሳ፡ ማቾ ሃሣ ዓኒ ማዒባኣያና ላሃ ዓሳ፡ ማርሾ ማርሻ ዓሳ፡ ማሌ ጾኦዞ ካኣሽካ ዓሶንታ ሉኡቃ ዓሶንታኮ ቢያ ዔያታ ጌላንዳ ቤዛ ዪኢሊ ኬሰኪ ዔኤታ ታዋ ባዘይዳኬ፤ ዬይያ:- ላምዓሳ ሃይቦኬ» ታኣም ጌዔኔ።

ዓኮ ዬሩሳላሜ

9 ጋፔንሢ ማዔ፡ ባይዛ ባኮ ላንካዎንሢ ኩንሃና ላንካዎ ዑዦ ዓንጎ ዔኪ ዓኣ ላንካዎ ከኢታንቻንሢዳፓ ፔቴሢ ታ ኮይላ ሙካዎ:- «ማራዓሢኮ ማቾ ማዓ፡ ዑኡቴሎ ታ ኔና ዳዋንዳኔ» ጌዔኔ።

10 ዓዳና ጌኤሺ ማለሢ ጋር ታኣኒ ጌሊ ዓኣንቴ ዒዚ ፔቴ፡ ዴኤፒ ዲካ ታና ዔኪ ዓኣዳጾ ጾኦሲም ዲማዴ፡ ዬሩሳላሜ ካታሜላ ጾኦሲ ኮይሎ፡ ጫሪንጫፓ ኬዳያ ታና ዳዌኔ፤

11 ጾኦሲኮ ቦንቻ ዒዞም ፖዓኔ፤ ዒዞኮ ፖዓ ሚርጌና ሚዛጳያ ማዔ፡ ዒያሰጲዴ ጌይንታ ሹጮጉዲ ኮሺ ፖዓያ፤ ሃሣ ጌኤሺ ለማሌኤሽጉዲ ፖዓያኬ፤

12 ታጾ ላምዎ ጌሎ ካራ ዓኣ፡ ዴኤፒ ሃሣ ሹቹና ኬልቆና ዴጌ ኬኤሌ ዲሢ ዒዞኮ ዓኣኔ፤ ዬና ታጾ ላምዎ ጌሎ ካርይዳ ታጾ ላምዎ ከኢታንቻ ዔቂ ዓኣኔ፤ ዒኢካ ሃሣ ታጾ ላምዎ ዒሰራዔኤሌ ፃጾ ሱንፃ ፃኣፒንቴ ዓኣኔ።

13 ዓባ ኬሰካ ዛሎና ሃይሃ ካራ፡ ኬዶ ዛሎና ሃይሃ፡ ዴኦሎ ዛሎና ሃይሃ፡ ዓባ ጌላ ዛሎናኣ ሃይሃ ካራ ዓኣኔ።

14 ካታሜሎ ሹጮና ኬልቂ፡ ዲርቆና ዲጾኮ ዶዲሻኒ ዴማ ጌሢ ማኦና ታጾ ላምዎ ሹቹ ዓኣኔ፤ ዬያቶ ዑጾይዳ ማራዓሢ ማዶም ዳኪንቴ፡ ታጾ ላምዎንሢኮ ሱንፃ ፃኣፒንቴ ዓኣኔ፤

15 ዒማና ታኣና ጌሰታ ከኢታንቻሢ ካታዋንታ ካታዋኮ ጌሎ ካርንታ ሹጮና ኬልቂ ዲርቆና ዲጾዋ ዋርቆ፡ ዋርቁና ኮሺንቴ ጾዶሲ ዓንጊ ኮኦሎ ዔኪ ዓኣኔ፤

21:6 ዒሲ. 55:1። 21:7 2ሳሙ. 7:14፤ ዓይኑ. 89:26-27። 21:10 ሂዚ. 40:2። 21:13 ሂዚ. 48:30-35። 21:15 ሂዚ. 40:3።

16 ካታሜሎኮ ሰዶሱሞና ዳልጉሞና ሰይዶ ዛሎና ቢያ ሄኮ ማዕያክኔ፤ ኪኢታጎቻሢያ ካታሜሎ ዬኖ ዓጎጌሎና ዋርቃዛ ዒዛኮ ሰዶሱማ ታጳ ላምፆ ሺያ ሚራፔ * ማዕኔ፤ ዒዛኮ ዳልጉሞና ዔጳና ዬኖ ጎይፆ ማዕኔ፤

17 ኪኢታጎቻሢያ ሹጮና ኬልቂ ዲርቆና ዲፆ ዋርቄኔ፤ ዋርቃዛ ሰዶሱማ ኪኢታጎቻሢያ ዋርቃ፥ ዔርቴ ዋርቆ ባኮና ጄኤታና ሰይዲታሚ ሰይዶ ዋዳ ማዕኔ።

18 ዬይ ኮሾና ኬኤሎ ዲራ፥ ዒያሰጳዴ ሹጮና ኮሾናክኔ፤ ካታሜላ ሌማሌኤሹጉዴ ጌኤሺ ዋርቄና ማኸናያክኔ፤

19 ካታሜሎኮ ኬኤሎ ዲፆ ዶዲሻጎዳጉዲ ዴማ ጌሢ ማኸና ሹጮ ዲማ ዲማ ሹጮና ቢያ ማይሊ ጌኢሺሾናክኔ፤ ቤርታሲ ዒያሰጳዴ፥ ላምዓሶ ሲጎጌሬ፥ ሃይሣሶ ኬልቂዶኔ፥ ሰይዳሶ ሜሬጌዴ፥

20 ዶጎጋሶ ሴርዴጎክሴ፥ ላሃሶ ሴርዲዮኔ፥ ላጎካሶ ኪሪሰቶሎቤ፥ ሳላሶ ቢሬሌ፥ ታዞጳሶ ዌራዊሬ፥ ታጳሶ ኪሪሰጳራሲሴ፥ ታጳ ፔታሶ ያኪጎቴ፥ ታጳ ላምዓሶ ዓሜቴሰፃር ጌይጎታ ሹጮ ጌሢ ማኸናጎቴያክኔ።

21 ታጳ ላምፆ ካርይዳ ታጳ ላምፆ ሚዛጲ ሹቺ ዓኣኔ፤ ፔቴ ፔቴ ካራ ፔቴ ፔቴ ሚዛጲ ሹቺና ማኸናጎቴያክኔ፤ ካታሜሎኮ ሳዞ ዴኤፖ ጎይፆ ሌማሌኤሹጉዲ ፖዓ፥ ጌኤሺ ዋርቄና ኮሾናክኔ።

22 ቢያ ባኣዚ ዳጎዳዓ ጎዳ ማዕ ያኣዛሢና ማራዓሢና ዬኖ ካታሜሎኮ ጌኤኸ ማኣር ማዕሢር ካታሞይዳ ጌኤሺ ማኣሪ ታ ዴጎቂባኣሴ።

23 ያኣሲኮ ቦጎቾ ፖዓ፥ ዒዞም ፖዓሢርና ሃሣ ማራዓሢያ ዒዞኮ ፖዓሢ ማዕሢር ካታሜሎም ዓቢያ ማፆም ዓጎጌያ ፖዓጎዳጉዲ ኮይሱሞሴ።

24 ዴራ ዒዞ ፖፆና ሃጎታጎዳኔ፤ ሃሣ ዓጮ ካኣታ ፔኤኮ ዓኣ ባኮ ዒዞ ባጎሢ ዔኪ ዬዓጎዳኔ።

25 ዒኢካ ዴሚ ባኣያታሢር ካታሜሎኮ ካራ ቢያ ዋዴ ዋዴጎቴዋፆ ዴዓኔ።

26 ዴሮኮ ዓኣ ባካ ቢያ ዒዞ ጋር ጌላጎዳኔ፤

27 ፑርታ፥ ሻኣካ ባኣዚ ማዕያ ፔቴታፆ ዒዞ ካታሜሎ ጌላዓክኔ፤ ሃሣ ፔና ዒኢሳ ማዶ ማዳያና ሉኡቃ ዓሲ ፔቴታፆ ዒኢካ

* 21:16 ሚራፔ፡- ጌይፆ ሚናኣ ዋዶና ዔኤቢኮ ሰዶሱሞጎታ ዳልጉሞጎታ ዔጳጎታ ዋርቄ ዔርፎ ማዓዛ ፔቴ ሚራፔ ፔቴ ጄኤታና ሳሊታሚ ዶጎጎ ታኣኪሢ ማዓያክኔ። 21:18 ዒ.ሲ. 54:11-12። 21:23 ዒ.ሲ. 60:19-20። 21:24 ዒ.ሲ. 60:3። 21:26 ዒ.ሲ. 60:11።

ጌላዓክ፤ ዒኢካ ጌላንዳዘንሢ ሱንፃ ማራዓሢኮ ናንጎ ማፃአፖይዳ ፃአፒንቴዘንሢ ሌሊኩ።

22

1 ዩካፓ ኪኢታንቻሢ ያኦሲና ማራዓሢኮ ካኣቱሞ ያይቶይዳፓ ኬሰካ፣ ጌኤሽ ሌማሌኤሽጉዲ ጌኤሽካ ናንጌ ዋኣሢ ዋርዚ ታና ዳዌኔ፤

2 ዩይ ዋራሢ ካታሜሎኮ ሳዛ ዓኣ ዴኤፖ ጎይያ ጊዴና ዓኣዳያኩ፤ ዋርኮ ሻውሎና ሚዛቆናይዳ ዓገና ዓገና ዓኣፒ ዓኣፓያ፣ ሌይይዳ ታጾ ለምዒ ማይንቲ ዓኣፓ ናንጌ ሚሢ ዓኣኔ፤ ዩያ ሚፃሢኮ ዒላዠ ዴርኮ ዴኤሻኩ፤

3 ሃይካፓ ሴካ ማይ ጋዳማ ባኣያ ማዓንዳኔ፤ ያኦሲና ማራዓሢኮ ካኣቱሞ ያይታ ካታሜሎይዳ ማዓንዳኔ፤ ዒዛሞ ማዳዘንሢያ ዒዛ ካኣሽካንዳኔ፤

4 ዒዛኮ ዓውካሮዋ ዒያታ ዛጋንዳኔ፤ ዒዛኮ ሱንፃኣ ዒያቶኮ ባለታ ፃአፒንቴያ ማዓንዳኔ፤

5 ዩካፓ ሴካ ዲሚያ ዲማዓ፤ ናንገና ናንጋ ጎዳ ማዕ ያኣዛሢ ዒያቶሞ ፖዓንዳሢሮ ፖዒ ፖዓ ባኣዚታቲያ ዓቢያ ዒያቶሞ ኮይሱዋያኩ፤ ናንገና ዒያታ ካኣታዴ ጎይሢ ናንጋንዳኔ።

ዩሱሴኮ ማዒ ሙኪያ ዛላ

6 ዩካፓ ሃሃ ኪኢታንቻሢ፡- «ሃንሢ ጌይንቴ ባኮንሢ ጉሙርቁንታያ ሃሃ ጎኔኩ፤ ፔ ዓያኖ ዒዛ ማሊያ ኬኤዛ ዓሶም ዒንጋ ጎዳ ማዕ ያኣዛሢ ዳካ ዋዴኮ ጊንፃፓ ማዓንዳ ባኮ ዒዛሞ ማዳዘንሢሞ ፔጋሲ ዳዋኒ ፔኤኮ ኪኢታንቻሢ ዳኩኔ» ታኣም ጌዔኔ።

7 ዩሱሴ ታኣም ኬኤዛዎ፡- «ታ ዑኩና ዩዓንዳኔ፤ ሃኖ ማፃአፖይዳ ኬኤዚንቴ ያኦሲ ማሊያ ካፒ፡ ማዲ ኩንሣሢ ዓንጅ ዋዛ ዴንቃንዳኔ» ጌዔኔ።

8 ሃያ ባኮ ዋይዜሢና ዛጌሢ ታና ዮሃንሴኩ፤ ዩንሢ ታ ዋይዛያ ሃሃ ዛጋያ ዩንሢ ባኮንሢ ታኣም ዳዌ ኪኢታንቻሢሞ ዚጋኒ ዒዛኮ ቶኮ ዴማ ሎኣሜኔ።

9 ኪኢታንቻሢ ጋዓንቴ፤ «ሃሽ! ሃያይዲፖ! ታኣኒ ኔናንታ ኔኤኮ ጌርሲንሢንታ ማዕ፡ ያኦሲ ማሊያ ኬኤዛዘንሢና ዋላ፤ ሃሃ ሃያ

21:27 ዒ.ሲ. 52:1፤ ሃዚ. 44:9። 22:1 ሃዚ. 47:1፤ ዛካ. 14:8። 22:2 ማኸ. ማፃ 2:9፤ ሃዚ. 47:12። 22:3 ዛካ. 14:11። 22:5 ዒ.ሲ. 60:19፤ ዳኣኔ. 7:18።

ማፃኣፓ ጌይንቴ ባኮ ካፓዞንሢና ዎላ ማማዳያኬ፤ ያኦሲም ዘገ ካኣሸኬ» ታኣም ጌዔኔ።

10 ሃሣ ዒዚ ኬኤዛዎ፡- «ቢያ ባካ ማዳንጉ ኩማንዳ ዎዳ ዑኬያ ማዔሢሮ ሃያ ማፃኣፓይዳ ያኦሲ ማሊያና ኬኤዚንጉ ባኮ ዓሲም ዔርቱዎጉዲ ዓኣቲፖ፤

11 ዓካሪ ፑርቶ ማዳሢ ፑርቶ ማማዳንጎ፤ ፔና ዒኢሳ ባኣዚ ማዳሢያ ማማዳንጎ፤ ዓላሢያ ዓዲሎንጎ፤ ያኦሲም ዲማዳሢያ ፔና ዲዲማሶንጎ» ጌዔኔ።

12 ዬሱሴ ዒማና ታኣም፡- «ታኣኒ ዑኬ ዬዓንዳኔ፤ ፔቴ ፔቴሢም ፔ ማዳጉዴያ ታ ዒንጋንዳ ባካ ታ ኮይላ ዓኣኔ፤

13 ቤርታሳሢና ጋፒንፃሢና፡ ዔኤቢ ቢያ ዓርቃሢና ጋፒሳሢያ ታናኬ።»

14 «ናንጎ ሚያ ዓኣፖ ሙዓኒና ካታሜሎ ጌሎ ካርና ጌላኒ ዲንዳዒያ ማዓኒ ማኣዓሢ ፔኤኮ ማሰኬዞንሢ ባሊቲና ዓኣያኬ።

15 ጌኔ ማዳ ማዳይ፡ ማርሻ ማርሻይ፡ ዓኒ ሃሣ ማቾ ማዒባኣያና ላሃይ፡ ዓሲ ዎዳይ፡ ሜሌ ያኦዞ ካኣሸካይ፡ ሉኡዞ ማርሻያና ሉኡቃ ዓሲ ቢያ ካታሜሎኮ ዙላ ማዓንዳኔ።»

16 «ታኣኒ፡ ዬሱሴ ሃያ ማርካቶ ማርካዳንዳጉዲ ታኣኮ ከኢታንቻሢ ሸኢጲያ ማኣር ዓሲም ታ ዳኬኔ፤ ታኣኒ ዳውቴ ዜርሢ ሃሣ ፃጲኬ፤ ዬያጉዲ ታኣኒ ፖፖ ዓ ካሪሢ ዠኦኦኬ» ጌዔኔ።

17 ዓያኖ ጌኤዠና ዑኡቴሎና «ሙኬ» ጋዓኔ፤ ሃያ ዎይዛሢያ «ሙኬ» ጎፖንጎ፤ ዴኤቢንቴሢያ ሙኮንጎ፤ ዑሽካኒ ኮዓሢያ ቢያ ናንጎ ዎኣያ ዔኤቢ ጨጉዎፖ ጉሪ ዑሽኮንጎ።

18 ሃያ ማፃኣፓይዳ ፃኣፒንጉ ያኦሲ ማሊያ ዎይዛዞንሢም ቢያ ታ ላታኔ፤ ያኦኒያ ሃያ ቃኣሎይዳ ፔቴ ባኣዚ ቃሴቴ ያኦሲ ሃያ ማፃኣፓይዳ ፃኣፒንጉ ባይሲንቶ ዒዛይዳ ቃሲ ቃሲ ሄሊሳንዳኔ።

19 ያኦኒያ ሃያ ያኦሲ ማሊያ ኬኤዛ ቃኣሎይዳፓ ፔቴ ባኣዚ ፓጨሴቴ ሃያ ማፃኣፓይዳ ኬኤዚንጉ ናንጎ ሚያ ዓኣፖና ያኦሲም ዲማዳ ካታሜሎናይዳፓ ዒዛ ሄላንዳ ባኮ ያኦሲ ፓጨሳንዳኔ።

20 ሃንሢ ባኮ ማርካዳሢ፡- «ሂዮ፤ ታ ዑኬ ዬዓንዳኔ» ጋዓኔ።
ዓኣሜን፤ ጎዳ ዬሱሴ ሙኬ!

22:11 ዳኣኔ. 12:10። 22:12 ዓ.ሲ. 40:10፤ 62:11፤ ዓይኔ. 28:4፤ ዔር. 17:10።
22:13 ዮሃ. ያፔ.ጳ 1:8፤ 17፤ 2:8፤ ዓ.ሲ. 44:6፤ 48:12። 22:14 ማዠ. ማፃ 2:9፤
3:22። 22:16 ዓ.ሲ. 11:1፤ 10። 22:17 ዓ.ሲ. 55:1። 22:19 ላሚ. ዎማ
4:2፤ 12:32።

21 ጎዳ ዩሱሴኮ ኮሹሞ ዒንገፃ ዒንሢ ሲያሢና ዎላ ማዖንጎ፤
ዒኣሚን።

ጌሌዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929